



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vita R. P. Iosephi Anchietae Societatis Iesv Sacerdotis In Brasilia defuncti**

**Berettari, Sebastiano**

**Coloniae Agrippinae, 1617**

Vitæ Iosephi Anchietæ E Societate Iesv. Liber Tertivs.

**urn:nbn:de:hbz:466:1-42044**

tabatur. Illa collum erigens caput  
huc illuc flectebat innoxia. Ita sua  
in Deum fiducia comiti præluens,  
ad mentem in Deum defigendam, ea-  
dem ratione, qua alteram, monito  
adiecto, ne cui hominum noceret  
abire permisit.



VITÆ  
IOSEPHI AN-  
CHIE TÆ E SOCIE-  
TATE IESV.  
LIBER TERTIVS



OC peregrinationum  
genere Iosephus An-  
chieta Brasilicas oras  
peragrando excolebat,  
cum ad domum Spirit-  
us Sancti litteris Sacerdotis eius,  
qui ibi præerat, ex itinere reuoca-  
tur. Ibat eadem peregrinatione cum  
ipso Sacerdos alter, cui dixit eò se  
vocari, ut illi domui præesset; cum  
eius



eius rei nihil ne per vmbra[m] qui-  
dem ex littere continerent. Eò cum  
venisset, literæ Præsidis Prouincia-  
lis ei redduntur, quibus iuebatur  
ei familia cum adiunctis sedibus  
præsiderè. Suscepto familiae regimi-  
ne, & certa illi tandem sede con-  
stituta maior copia suppetiit om-  
nibus illius virtutes obseruandi:  
nã, cum antea peregrinationes huc  
illuc hominem traherent, vix vnus,  
aut alter è Societate, pauci que præ-  
terea indigenæ, itinerum comites  
assumpti tantarum rerum specta-  
tores esse potuerunt. Nunc vero fa-  
ctus assiduius, vt ita dicam, inqui-  
linus, familiam omnem, multosq[ue]  
præterea ciues eorum, quæ in ipsũ  
Deus contulerat, bonorum ocula-  
tos testes habuit. Ac primum quidẽ  
orandi Deum, diuinaque cogitandi  
assiduitas, quam semper tenuit in  
priuata vita, multò in eo fuit in re-  
gendi munere distento intentior.  
Nam, præter stata tempora ei exer-  
citationi attributa, maximã noctis  
partem, quod illi toto vitæ tempore  
peren-

*Domuẽ  
Spiritus:  
sancti  
præsici-  
tur.*

*Orandi  
Deum  
assidui-  
tas.*



perenne fuit, cum Deo transigebat, nunc in ambulando, semperque detractis calceis, ne strepitu pedum aliorum quietem interturbaret; nunc flexis genibus, aut in templo, aut in aliquo domus recessu. Hæc nocturno interdium, præter quotidianum Misæ sacrificium, quod offerebat ipse, aliis quoque Sacerdotibus sacrificiis, nixus genibus intererat; idque illi, quoadi sedem huic præfuit, & antea in vico alio, ubi tribus cum Sacerdotibus versabatur, quotidianum fuit. Et quidquid ageret, siue magnum, siue paruum, in rebus omnibus, omnibusque temporibus Deum præsentem intuebatur. Ita enim cum hominibus agebat, ut cum illius æquitas, humanitas, cõmitas nullo loco desideraretur, sua tamen dicta omnia, cogitataque è Diuinitatis pectore haurire videretur: qui, cum a rebus gerendis, atque ab hominibus se recipisset, nunquam nisi in diuinarum rerum cogitatione defixum deprehenderes. Nullus erat locus, nul-

*Perpetua  
eius de  
Deo cogitatio*



11  
66

nullum tempus, nulla occupatio,  
nullum otium, quod à cogitando de  
Deo eius animum auerteret; vt non  
Dei præsentia, sensuque perpetuo  
vbique frueretur: in mensa sæpenu-  
mero cibi oblitus, aut cum Deo lo-  
quebatur, aut ex intimo pectore  
suspiria in Deum, tanquam hamen-  
ta iacula intorquebat. Solitus est id  
sæpe dicere; nullam rem nos abdu-  
cere à perpetua, continentique de  
Deo cogitatione, nisi desidiam no-  
stram, quod parum prouidi sumus:  
deque se dixit sapius in sermone,  
nullas & alienas cogitationes im-  
pedimento sibi esse ad perpetuam  
earum rerum meditationem, quas  
sibi ad mentis spiritalem exercita-  
tionem proponeret. Sæpe eum do-  
mestici cum prò re nata ipsum adi-  
rent, in medio pavimento prorum  
in genua viderunt; iunctis mani-  
bus, inflammato vultu, oculis clau-  
sis, subindeque diductis, atque in al-  
tum defixis, ex imo pectore suspiria  
edentem; identidemq; nomina cru-  
ciatui Christi Domini pronūciatē.

Quia



*Mortifi-  
catio il-  
lius &  
vita a-  
speritas.*

Quin etiam per noctem inter quietē, cum præsertim peregrinaretur, auditus est, cum quadam pedū sup-  
pensione eadem nomina pronūtiare. Genibus ex assidua orandi consuetudine callos obduxerat, eaque longo pressu exasperata, discissa cuti, rimas egerant. Et quando per occasionem regiminis aliis dedit facultatem ipsius virtutes maiore cura obseruandi, cum de orationis dono dixerimus, & dicenda adhuc alia supersint, quæ reddentur locis suis, antequam ad eius actiones veniamus, nonnulla de vnanimi orationis sorore, & indissociabili comite mortificatione dicamus; tum ea, quæ corporis appetitiones, tum ea, quæ animi elationes, mortuſque prauos refrænât. Asper fuit in se ipsum, sui que corporis seuerus dormitor: ieiunia, & flagra erant ei familiaria, ad cubitum non linteum, nõ stragulum vllum adhibebat; sed cum indumentis somnum capiebat, quo ad orandum Deum euigilaret expeditior. Si quis aliquando è domesticis



mesticis ægrotaret, postquã ad necessaria ei ministeria aduigilãrat, eo quieti tradito, nudo alicui asseri ad cubabat, calceis, vno in alterum inferto, capiti pro ceruicali suppositis, neq; vnquam, nisi morbo coact<sup>o</sup>, lecto decubuit. Ferunt eum in Vincentiana sede cū ibi præesset, è Spiritus sancti sede eò translatum, in angulo domus spinosorum virgultorum fascem habuisse, cui caput acclinaret, corpore pauimento porrecto, cū fessus à nocturna precatione somnum repetere cogeretur. Et cum aliorum commodis prouidè, accurateque prospiceret, sui tamen fuit neglector egregius. Nihil omnino, quòd ad cultum attinet, penes se habere voluit, nisi quibus amiciebatur indumentis, iisq; detritis, ac totius domesticę vestis deterrimus. Et quandiu priuatam vitam vixit, non illi scrinium, non arcula, non cista, immò verò ne pugillaria quidem nudo in cubiculo fuerunt. Ac si quando opus essent, accepta quasi ad tempus, quandiu illi essent vsui

II  
66  
*Charitas eius erga ægrotos.*

*Eius paupertas.*



vsui, retinebat, postmodum vnde  
 acceperat, referebat. Quæ scribebat,  
 facile alijs largiebatur: si quid vero  
 maioris momenti aut ad vsum, aut  
 ad memoriam seruandum esset, id  
 apud Præsides deponere solebat:  
 quin etiam pia munuscula, quibus  
 Religiosi viri sibi inter se gratificari  
 solent, rosaria, sacras imagines, ag-  
 nos excera consecratos, & id genus  
 alia piacularia ita non habere stu-  
 dit; vt, si quando ei ab aliquo ali-  
 quid eiusmodi offerretur, gratum  
 dantis animum multa humanitate  
 collaudans, gratiæ tamen remitte-  
 ret; ne earum rerum cura animus  
 ipsius teneretur. Omnino non alibi  
 facile magis nudam paupertatem  
 triumphantem videris: hæc enim v-  
 na virtus mortificationis maxime  
 comitatum cohonestat. Huic dome-  
 sticæ inopiæ consentaneus externus  
 illius fuit in faciendis itineribus  
 apparatus: nunquã .n. neq; in pere-  
 grinationibus, neque in obeundis  
 negotijs, aut locorum mutatio-  
 nibus,

*Eius iti-  
 nera qua  
 lia fue-  
 rint.*



libus, ne tum quidem, cum ratione  
sui muneris prouinciam cognos-  
cendi causâ obiret, equo, iumen-  
toue alio vectus est, illa causa  
obtentâ, seu vera, seu adumbra-  
ta, quod ad dorsi luxationem, de  
quo morbo dictum est initio, in-  
commodum sibi esse affirmaret.  
Sed cum calceatus viatorio ni-  
xus hastili pedes iter iniret, fre-  
quentia loca prætergressus, detra-  
ctis calceis, nudis pedibus iter re-  
liquum conficiebat; tantaque ce-  
leritate festinabat per maris li-  
tora, per cautes, viasque asperas,  
per montes, per valles, per lo-  
ca confragosa, vt Brasili ipsi, du-  
ri alioqui homines, & victu as-  
peri mirarentur; eumque non fe-  
stinare, sed volare dictitarent.  
Quo factum est, vt callis, rugif-  
que exasperati tali, plantæque illi  
obduruerint. Sæpe accidit, vt, co-  
mitibus iter continuare iussis, so-  
lus in itinere subsisteret, quo  
expeditiis cum Deo loquere-  
tur: *Comiti-  
bus præ-  
untibus  
sæpe iter  
præuertit*



tur: & cum eum ponè respectante  
comites oculis perquirerent, longè  
iã parte viæ peracta, sibi præcucur-  
risse viderent; neque quisquam eo-  
rum præcedentem animaduertere  
potuisset. Si quando iter mari face-  
ret, totas noctes vigilabat, securi ut  
alij quiescerent. Hactenus de ea, quã  
diximus mortificatione, quæ ad cor-  
pus edomandum pertinet; cui adiu-  
ximus amicã comitem paupertatẽ.

*Mortifi-  
catio  
interior  
& per-  
petua a-  
nimi  
pax.*

Quanta porrò animi pace secum  
ipse frueretur, compressus omnibus  
cupiditatibus (ut ad alteram, quæ in  
animo est, mortificationis partem  
tandem veniamus) ex ipsa eius per-  
petua constantia, tranquillitate quæ  
potest intelligi. Vbicunq; esset quæ-  
cunq; se offerret occasio, quibuscunq;  
cũ hominib<sup>9</sup> ageret, semper ei fuit  
idẽ vultus, eadẽ animi cõstantia, &  
quitasq; eadẽ lenitas orationis; quæ  
signa animi bene constituti, & in se  
ipsũ dominatũ tenentis esse solent.  
Cognita est multis in rebus ipsi<sup>9</sup> a-  
nimi tranquillitas, & nullo vnquã  
ne leuissimo quidem motu agitari  
manfue-



mansuetudo. Erga eos, qui ipsum aliquando molestia afficerent, causamque præberent indignationis, comem se præbebat, & humanum, perinde ac si nihil ad ipsum illorum pertinebat importunitas; studio suisque illos Deo commendabat precibus. Et, cum quidam eum de homine alio, qui in re graui ipsum læserat, alloqueretur, fortasse vt cum iniurioso reconciliaret; respondit, grauius illum in Deum peccasse: & quando eum Deus tolerat, multo esse æquius, se illi Dei amore offensionem omnem condonare.

*Quidam  
nostra do-  
mus lu-  
minibus  
obstrue-  
bat.*

IN oppido Victoria, quod est in Spiritus sancti Præfectura, ita ædificabat oppidanus, vt nostræ domus luminibus obstrueret. Eum cum in-hiberet Iosephus, illeque durius obfisteret, paulo efficacius loquutus est. Post paulo cum summæ lenitatis modum excessisse sibi visus esset, dixit vni e domesticis: ægrè mihi est, tristitia hominè illū affecisse; sed ego illi satisfaciam. satisfactio illa fuit: qui antea nullo cum Societatis ho-  
I mine



mine commercium vllum habuisset, aliisque ad confessiones Sacerdotibus vsus esset, post illam alterationem magno cum vtriusque animi fructu Iosepho confessione vniuersa omnem vitæ suæ rationem vltro explicauit.

*Eius in  
omnes  
officiosa  
charitas*

SED nescio an vlla virtus hominem cum Deo intimè coniunctum magis indicet, quàm charitas in omne genus hominum; eaque non in affectu tantùm abdita, sed in externa etiam officia prolata: cum se talem quisque exhibet in alios, quales esse eos erga se optaret. Quam officiosum, quam promptum, ac beneuolum Iosephus se omnibus præstiterit, tum multa eorum, quæ narrata sunt, & plura alia, quæ narranda supersunt, luculenter ostendunt: nihil magis, quam officiosa et in ægrotos assiduitas: quocumque enim in loco esset, siue cum privati vitam ageret, siue alios regendi munus sustineret, vel tum cum prouinciam totam administraret, certum erat ægrotorum leuamentum mirum cum animi alacritate, iucunditateque

*Eius in  
ægrotos  
charitas.*



Illorum commodis inseruiebat; ut  
valetudinarij minister nullum ipso  
certiorem, opportunioremque ad  
agrotorum ministeria haberet ad-  
iutorem. Parandis, ministrandisq;  
cibus mensa apponenda, sternen-  
dis lectis, decumbentes alleuando,  
eosque strato componendo non vl-  
lus ipso accuratior. Tum si quis vi-  
gili custode per noctem indigeret,  
valetudinarij ministro iussu quie-  
scere, agroto studiosè ipse aduigi-  
labat: tamque assiduus erat valetu-  
dinarij administer, ut qui illum sua-  
rū rerū causā cōquirerent, hominē  
nō ad ipsius cubiculū, sed certo fer-  
mē euētū ad valetudinariū adirent.

E A D E M officia eadem seduli-  
tate, ac studio erga externos indi-  
genas exercebat: illos in suis mor-  
bis inuisebat, curationes, quarum  
solerti vir ingenio magnum usum  
acquisierat, adhibebat; victus ratio-  
nem præscribebat, missionem san-  
guinis, aliāq; procurabat, quæ tēp<sup>o</sup>,  
& morbi grauitas postularent. Nā in  
magna medētū paucitate tū rei ne-  
cessi-



cessitas, tum pontificia indulta earum nationū priuilegio hæc charitatis in tenues præsertim homines, & inopes etiam prudentibus, peritissq; Sacerdotibus, amota Ecclesiastica censura nota, officia permittunt. Quo fit, vt egentes multi, & ope destituti hoc leuamento recreentur, & conualescant, qui alioquin interirent. Neque opera tantum, & medendi arte, sed precibus etiam erat de illorum commo- dis sollicitus. In vico quodam Præfecturæ Spiritus sancti egrotabat indigena Christianus, nomine Iosephus: eoq; vsq; morbi vis proce- serat, vt anima eum deficiente, om- ni sensu destitutus, pro mortuo ha- beretur, & iam funebri vlulatu eū foeminæ lugerent. Accurrit eo Sa- cerdos è Societate, qui curionis mu- nus ibi exercebat, cum venas pertē- tasset, consopitaq; reperisset om- nia, reliquias ad extremum adhuc spirantis vitæ ex cordis palpitatio- ne persensit. Adhibet illi extre- mam vnctionem; misitq; statim



ad oppidum spiritum sanctum, qui hæc Iosepho nunciaret; rogarétque hominem sibi cognominem, animam agentem Deo commendaret. Id se fecisse Iosephus respondit: neque eum eo morbo moriturum. Aegrotus postmodum recepta valetudine in multos annos vixit; & vivebat adhuc, cum hæc in Brasilia anno 1605. notarentur; & viuat optamus ad maiorem indies Dei gloriam, & spiritualium fructuum accessionem. Multo etiam maiore alacritate ad eorum iuandas animas præstó erat, vt ex eius laboriosis peregrinationibus cognouimus, cognoscemusque adhuc sapius. Sacras vestes in S. Vincentij Ecclesia ad missæ sacrificium induebat, cum admonitus Brasiliam hominem in extremo vitæ positum postulare, vt sibi aures daret postremæ suæ confessioni excipiendæ; positis vestibus accurrit illuc: cumque ea, quæ tempus postularet, ea qua par fuit charitate homini præstitisset, ne definitum tempus sacro faciendo labere-

I 3 tur,

*Moribus  
hominem  
adiuuat.  
Missæ sa-  
crificium  
pro illo of-  
fert: sentis  
ipsum  
obiisse.*



tur, redit, sacrumque sacrificium il-  
 lius offert causâ. Nondum median-  
 exegerat sacrâ exquitionē, cū sensu  
 in spiritu agroti animâ è corpore ex-  
 isse: q̄ pio hominī rei totius cōscio,  
 sibi ad sacrū altare ministranti inter  
 sacras actiones statim indicauit.

Tanta erat in eo tum humanitas,  
 & commiseratio, tum ardor animi  
 & studiosa, promptaque ad omne  
 officium celeritas; vt vel non  
 rogatus ad ea se porrigeret, ad que  
 opera sua prodesse se posse sētiret, vt  
 nō spirituales modò, sed humanas  
 alias indigētias misericorditer sub-  
 leuaret, fames quamuis frigora, &  
 itinerum asperitas, & omniū arum-  
 narum genera essent superanda: ni-  
 hil enim tam arduum, tam asperū,  
 tamque inseparabile fuit, quod non  
 excelso illius animo esset inferius.  
 Quod infrequētibus suis ad Barba-  
 ros, Neophytosque erudiendos  
 excursionibus declarauit. Profi-  
 ciscebatur, cum adhuc priuatus  
 geret, vno cum comite nudis ve-  
 terq; pedibus aspero itinere, & sta-  
 gnant-



gnantibus aquis; lutoque corrupto, cum comitem his verbis interpellat. Hieronyme Soari frater, alij è nostris mortem sibi optant in hac, vel illa domo; in alio, atque alio Collegio alij, vt cuique propria est animi propensio, vt officosa fratrum charitate circumsepti maiore animo extremum illum agonem obeant: ego verò id assero, nullum mortis genus esse melius, quàm per obedientiam iuuandarum animarum causâ in aliqua harum lacunarum cœno, lutoque obrutum vitâ relinquere. Sētentia veri æmulatoris atque imitatoris studiorum, perfectarumq; Xauerij virtutum. Atque hæc non in suo recessu, in ipso cōtemplationis ardore, quod multis difficile non est, vota concipiebat; aut speciosa oratione ad alios potius disputabat; sed in medio malorum certamine, conflictationeque quod pauci non horrēt; fatigatione fractus hoc laborum leuamētum exoptabat: vt non minore animo existimem, ipsum, si occasio tulisset,

*Quale  
mortis  
genus  
illi esset  
optatissimum.*



coenium, & lacunas illas subiturum  
 quàm Xauerius mortem in aspera  
 Sinarum rupe, æstu morbi vexatus,  
 solus, ab omnibus desertus in sum-  
 ma omnium rerum inopia excepit.  
 Argumento sit placida eius tràquil-  
 litas eùm flumine merfus imminen-  
 tem mortem non expauit. Tã bene-  
 uolo animo, tamque molli erat, de-  
 licatoque sensu in alios, vt nihil ei  
 esset grauius, quàm in re vel mi-  
 nima minus commodum se aliis ex-  
 hibere, vel iis ipsis, qui ad ministe-  
 ria illi præstanda adlecti essent:  
 quin eorum ipse inseruire commo-  
 dis quàm maxime studebat; ita vt  
 etiam in morbis, quibus assidue cõ-  
 flictabatur, si quando fomento ali-  
 quo, aliove ministerio ad vrgentes  
 dolores leniendos noctu indigeret,  
 quamuis sciret omnes libentissi-  
 mis animis sibi aduigilaturos,  
 mallet tamen morbi gravita-  
 tem, doloresque languendo su-  
 stinere, quàm cuiusquam quietem  
 interturbare. Neque in fratres  
 solùm, domesticosque hac fuit  
 in-

*Studiosè  
 auit, ne  
 euire vl-  
 la mole-  
 stus esset.*



indulgentia, sed in ipsos etiam  
Brasilos, præsertim quos in pere-  
grinationibus ad itinerum oppor-  
tunitates comites adducebat; nam  
cum illi sub diò suis porrecti re-  
tibus soliti sint pernoctare; exci-  
tatis tugiis, eos communi contu-  
berniò excipiebat, cubantibusque  
ad somnum more suo in retibus,  
ipse subtus ignem excitabat, ale-  
batque (hoc enim aduersus frigus  
remedio ea gens utitur) noctis  
fermè reliquum, vt alias docui-  
mus, in preces infumebat. Egen-  
tes, viduas, atque alios ope desti-  
tutos modis omnibus subleuare  
nitebatur, eleemosynis præsertim,  
quas eius rei causa homines opu-  
lenti, & eius pietatis studiosi è  
diuersis locis ad eum transmitte-  
bant. In iis præcipuus fuit Chri-  
stophorus Pætius, qui Pernambu-  
ci negotiatur, vir amplissimarum o-  
pium, & qui in suo fundo tres habet of-  
ficinas sacchararias: huic cum gratias  
pro literas Iosephus egisset de eleemo-  
synis, quas in egentes distribuendas

*Egentes  
cõquisi-  
tis elee-  
mosynis  
inueniatur.*

*Christo-  
phorus  
Pætius  
benignus  
in paup-  
res.*



ad se misisset, adiecit; ipsum in eo negotiationis genere accepti sibi plus, quam expensi ferre oportere: siquidem ea versura inopes Deum ipsi coelestium diuitiarum praedem darent. Quod ille cum legeret, ita permotus est, ut in genua procumbens ipsas literas oscularetur, amplecteretur, pectori etiam adprimeret; seque in ipso vestigio Deo voto obligarit, se non modo nunquam pauperibus eleemosynas negaturum, sed duplo etiam maiores, quam ad eam diem fecisset, largituum. Id multo etiam praestitit, quam promisit copiosius: cum ante semel quaque hebdomada petentibus singulis semidenarium dare consuesset, ex eo tempore sesquidenarium dedit: quadragesima etiam binos denarios. Cuius beneficentiae meritum etsi totum ipsi datus est, aliqua tamen ex parte pertinet etiam ad Iosephum.

Haec de officiosa ipsius in alios sedulitate summatim hoc loco dicta sint. Aliorum vitia se praesente, aut sermone pertractari, aut



attingi non patiebatur: sed aut ser-  
monē auertebat aliò; aut ita inter-  
erat, vt eius aures peregrinari om-  
nes intelligerent. Ita per tristitiam  
vultus error corrigebatur delin-  
quentis. Studebat omnes sua leni-  
tate impertire, omnes ad concordia  
adducere, omnibus esse seuamento.  
Ipsos Brasilos, si quando mœsti,  
grauatique ipsum adirent, ita sola-  
batur, vt lætitiæ plenos se ab ipso  
recedere faterentur. Harum virtu-  
tum omniū radix, & nutrimentū erat  
illa, quam sæpius in ipso laudauim⁹,  
perpetua cum Deo coniūctio & fa-  
miliaris assiduitas. Inde etiā ardens  
in diuina causā laborādi, infidelesq;  
ad diuinum cultū adducēdi studiū.

Et ne videamur hominem celo  
tantū, & diuinis rebus factum de-  
scribere, deuotemuseum de celo,  
coelestiūq; rerū cogitatione, atq; ad  
homines, humanaq; traducamus. Fu-  
it in rebus agēdis vigilās, & intēt⁹;  
vt quāuis perpetuo cū Deo versare-  
tur, nulli tamē rei quę ipsi⁹ esset mu-  
neris, non præsto esset, omnibusq;

*Altorum  
vicia cō-  
memora-  
ri nō pa-  
tiebatur.*

*Qualis  
in rebus  
gerendis  
fuerit.*



ea dexteritate, ac comitate, quicquid ille ageret, ita satisfaceret, ut neque ad coelestia, neque ad humana vlllo vnquam tēpore illius praesentia, diligentiaque desideraretur. Ita amicabiliter Martham cum Maria coniungebat, ut neque diuinarum rerum cura ipsum redderet in humanis otiosum, neque rerum administratio humanarum perpetuum eum Deo familiaritatis cursum impediret. Neque enim ad eius laudem pertinere existimem, si qua solertia, diligentiaque fuerit in paranda pecunia, in putandis rationibus accepti, & expensi, in refarcienda domo, in emendis, distrahendisque rebus, aliisque id genus curis, quibus occupari necesse est animos eorum, qui familias regunt, minutatim prosequar. Qua enim solertia, vigilantiaque in rebus gerendis vteretur, ex his, quae non modo ad spiritalem fructum; sed etiam ad commoda cuiusque pertinerent, quanta cura vigilauerit supra gregem suum licet intelligere: ut non modo ad domesticos



fficios ac familiares, sed etiã ad externa, & publica illius curæ, cogitationesq; se porrigeret; cœlestiaq; dona ad omnium opportunitates traduceret. Tam quantopere aliorũ commodorum, sui negligens, studiosus fuerit, quantaque æquitate, & comitate iis satisfaceret, quibuscum aliquid transigeret, supra demonstrauimus. Accedit, quod ita humanam in eo prouidentiam multis in rebus cum diuina videas coniunctam, ut non modo præsens occasionibus, sed multis etiam periculis absens occurrerit in tempore.

SACERDOTE M miserat ad ægroti hominis confessionem audiendam, quod ille munus dũ obit, graue periculum incurrit: sub ipsum tempus sacris Iosephus operabatur; & ut erat de suis ouibus sollicitus, vnumquemque Deo, & sapius, & intento affectu precibus commendans, diuino lumine Sacerdotis periculum cognouit, precibusque diuina ope impetrata, discussit: redeuntemq; ad se Sacerdotem è tanto discrimine



seruatum præuertens illis Christi  
 verbis exceptit: *Ego rogavi pro te Pe-  
 tre, vt non deficiat fides tua.*

*Homi-  
 nem à  
 commif-  
 sa cæde  
 profu-  
 gum ser-  
 uat.*

*Aduen-  
 tum ho-  
 stium  
 prædicat.*

Erat ipse in suo cubiculo rebus  
 intentus, cum derepentè profiliens  
 ianitorem in clamat iubet illū con-  
 festim, patefacta ianua, hominem à  
 commissa cæde profugū intromit-  
 tere, exclusis sequutoribus, iustiti-  
 æ ministris. Paret ille; & vix ap-  
 perta ianua miser ille pœnas fugiēs  
 intrò irrupit. Neque in priuata fo-  
 lūre, & vnius hominis, sed in pub-  
 lica etiam ciuitatis salute diuina il-  
 la, qua ex consortio cum Deo per-  
 fundebatur, lux frugifera fuit. Eo-  
 dem modo alio tempore ianitorem  
 ad se accitum iubet conscensa turri  
 æris Campani pulsu populū ad ar-  
 ma excitare: mirantibus cunctis, &  
 quid id esset sciscitantibus, in armis  
 sint, atq; urbem custodiant denun-  
 ciat, postero die piratas fauces sinus  
 occupaturos; fides habita est  
 prædictioni: postridie adsunt ho-  
 stes magno numero, exscensio-  
 neque facta, cum viderent ciues  
 ad



ad propugnationem paratos, urbem tentare ausi non sunt; seque infecta re ad naues receperunt. Ita divina prouidentia, Iosephi precibus ciuitas eo die magno periculo perfuncta est.

PEREGRINABATUR ille de more, suæ curæ vicis obiens, & vna cum ipso Sacerdos alter è Societate Ioannes Fernandus; cum interim vnus è domesticis frater grauibus cœpit animi motibus agitari. Sensit id Iosephus absens, diuino spiritu edoctus, Sacerdotemque comitem alloquitus vertamus, inquit, iter, omis- saq; peregrinatione, domum repeta- mus: est enim qui nostra præsentia magnopere indigeat; & fratrem cer- tum nominauit. Cum ad oppidū ve- nissent, ingressi domum magna om- nium lætitia: magnoq; ægri illius le- uamento excipiuntur. Deus, inquit ille, huc te traxit hodie: nisi aduene- ras, quid me fieret, valde incertus e- ram. Pater, cognita causa ægritudi- nis, saluberrimis monitis, & plena pietatis oratione illiº animū sedauit.

Animi æ-  
gritudi-  
nem vnus  
us è fra-  
tribus ab-  
sens cog-  
noscit.

ET



*Occurrit  
eniurijs  
quorum-  
dam au-  
dacijsm.*

Et cum alio tempore, eodem Sa-  
cerdote comite eadem in peregrina-  
tione versaretur, ex vno ad vi-  
cum alterum proficiscebatur, cum  
comitem alloquens: properemus;  
inquit, vicanis enim, & ei, qui ibi re-  
sident Sacerdoti non leue imminet  
periculum. Haud ita multo ante ad  
vicum peruenerant, cum turbulenti  
homines superuenere eo consilio,  
vt vicanorum pacem infestarent, &  
vico toti magnum inferrent detri-  
mentum: sed Iosephi presentiam  
reueriti, maleficio abstinuerunt. Sic  
perpetua cum Deo coniunctio ho-  
minem nunquam a suæ stationis cu-  
stodia abducebat.

*Reum  
parrici-  
dijs peri-  
culo sub-  
iicit.*

ERAT in vico alio eiusdem Pre-  
fecturæ homo patrata cædis reus:  
sed, seu, quod crimen latere posse  
existimaret, seu quo alio errore du-  
ctus, plus nimio fortasse sibi confi-  
dens, securus in eo vico, suis inten-  
tus rebus cum sua familia versaba-  
tur. Erat in vico alio non longè inde  
Iosephus: is, cognito diuinitus mi-  
seri hominis periculo, de media no-  
cte



temisit, qui eius vxori nuntiaret, conjugem vt moneret, in tutum se reciperet; ipsa se ad oppidum Spiritum sanctum transferret; futurum enim, vt apparitor cum licitoribus ad maritum vincendum eo veniat. Paruere monito: vir se periculo subduxit; ac, ne frustra monitos se esse intelligeret, mulier, dum ad oppidum se refert, obuiam habuit manum licitorum, qui ad rem perficiendam incassum properabant. Multa alia consultus ad aliorum utilitatem longe positus vera prædixit.

*Prædicti-  
ones van-  
ias re-  
rum ab-  
sentium.*

EIVSDEM Præfecturæ colonus Emmanuel Guayanns iter in Lusitaniam suscepit, annisque aliquot varia fortuna iactatus, longe à domo peregrinabatur, vt de eo certus nuncius, nullus perferretur. Mœstæ ea de re vxori sua mater suavit, vt P. Iosephum adiret; eique peccata sua confiteretur, diligenterq; illius verba obseruaret. Adit, confessionem obit; secundum confessionem quaerit ex ipsa Iosephus, ecquid de viro suo cognouisset. Tristis illa certi se habe-



habere nihil respondit: rumorem  
tamen esse, captum à piratis Gallis  
interiisse. Tum Iosephus mecum  
ponere iussit: ipsum enim viuere  
sed aduersa multa pertulisse, addu-  
ctum à Gallis ad Rubellam, inde  
elapsum grauiter apud fratrem re-  
grotasse; & iam reditum parare  
non tamen rectà domum suam ve-  
turum; sed oras ad alias prius in-  
statu iri, qui quam aduerso casu  
spoliabitur, non tamen, inanis  
dimittetur, vt non aliquid reliquum  
ipfi fiat ad reditum. Hæc omnia, vt  
Iosephus prædixerat, euenisse ipsa  
mulier suo testimonio iurata con-  
firmavit. Adiecit præterea, alio tẽ-  
pore eundem virum suum iter in  
Angolam fecisse, atque in reditu,  
cùm Illæorum portum peteret, vi-  
tempestatis abreptum, vagumque  
diu desideratum esse; rumoremque  
manasse à Barbaris in escam inter-  
fectum; Iosephum tamen sua ora-  
tione sollicitam, moerentemque al-  
leuasse, asseruisseque ipsum ad-  
huc viuere; dieque Kalendarum  
Ianua-



Ianuariarū post meridiem domum suam reducem intraturum; neque ab ipso die, neq; ab ipsa hora prædictionem aberrasse.

Eiusdē Præfecturę Antoni<sup>o</sup> Georgi<sup>o</sup> in expeditionē aduersus Guaitacasies, duce Michaelē Azebedio præfectus erat, nec multis diebus de tota profectioe perferebatur quidquam: & ut quā incertę alex bellum cum e agente, quantæque sollicitudinis, aut timoris causa fuerit, intelligatur, exponam breui, quod genus hominum, quæ regionis bellicę natura sit. Sunt Guaitacasies inter Caput frigidum, & coloniam Spiritus sancti homines non syluestres, sed palustres, omni tamen belluarum syluestrium genere propè dicam asperiores; crocodilis, aut lutris, quam hominibus similiores esse dixeris, in queis, præter corporis truncum, linguæ qualem qualem usum, & barbaram feritatem humani nihil agnoscas: non enim, ut Tapuyæ reliqui syluas mōtesq; inco-

*Guaitacasies  
quæ genus  
sit*



incolunt, sed vliginosis in locis sua  
 tuguria ex paleis malè componunt.  
 Regio palustris non plus quam in  
 viginti leucas sese aperit : duobus  
 fluminibus clauduntur, pertinentq;  
 ad maris sinum, quem accolunt, va-  
 rio aquarum concursu nauiganti-  
 bus infestum; vt multa in eo nauigia  
 perierint. In hoc tantulo terræ spa-  
 tio duæ inter se infensissimæ gentes  
 habitant, seseque inuicem vorant,  
 prout alterutri plus viribus possunt.  
 Hi cum nullo mortalium, ne è Bra-  
 filiorum quidem genere societatem  
 habent, nullius commercio, con-  
 sortiove vtuntur; non aliarum gen-  
 tium pari quenquam ad se penetra-  
 re; non ipsis suis finibus, quamuis an-  
 gustissimis excedere; non mediter-  
 ranea pertentare: quidquid viuens  
 aduersa nauigatione, aut alio fini-  
 stro casu ad eos appellit, aut errore  
 viæ intra illorum fines incurrit, si-  
 ue humana, siue belluina sint cor-  
 pora, tanquam altilia vorant om-  
 nia, serunt tamen circa litora legu-  
 mina, & mandiocæ nonnihil. Ac si  
 quau-



quando à Lusitanis bello petuntur, duæ inimicissimæ gentes ita iunctis viribus conspirant, vt ex infestis inimicis parum firma repente iungatur amicitia. Et cum ad arma veniendum est, tum vero paludibus, palustribusque locis, tanquam amphibia animalia se continent, vt neque pedestribus copiis, neque equestribus ad eos sit accessus. Nauigationem prorsus ignorant; mari non nisi nantes vtuntur, qua in exercitatione tantum valent, vt tuberones (*ingentium piscium nomen id est*) nando assequantur, & capiant, infixisque in eorum oculos acuminatis rudiculis, eorum dorso insiliant; & iumentorum instar circumagendoper vndas, minores pisces in escam venentur. Erat principum provincie his proximis annis consiliû omni conatu adhibito hanc struam imperij, & insanabilem humane speciei noxam prorsus excindere, hoc enim carcinomate exsecto, expeditum terrestre iter à Ianuariensi ora ad Bahyam vsque; & nauigatio-



gationes legētes litora oportuiores, tutioresque reddentur. Et quāuis sapius res tentata sit, nunquā tamen serio, nec iusto bello susceptā haud mirū est confici non potuisse.

In vnam ex iis expeditionibus, cū superioribus annis bello id genus hominum tentaretur, profectū, vti dicere institueram, Antonio Georgio, eius vxor euentorum pauida suspenso angebatur animo; eam Iosephus inuisit, iussitque sollicitudinem ponere: breui enim inde nuncios venturos; & Antonium quidē ipsius coniugem leui, nec periculo sagittæ vulnere in sinistro latere percussū, quod tamen extimātantum affecerit, intus non penetrarit, iam à castris curationis causā recessisse, octiduoque ad Villam veterem peruenturū; illōq; ipso die coniux eo profecta virū suū recepit.

Pari consolatione Vincentianæ foemine moerorem leuare minimè potuit: quærebatur hæc cū Iosepho, quo tēpore S. Vincentij morabatur, virū suū in fines hostiū plus centum

leucas



leucas profectū, neq; ex eo tēpore, cū  
iā diudū abiisset, de ipso quidquā in-  
audisse; magno cū suo, feminaq; me-  
rore Iosephus respondit, an nondū  
ipsum obiisse cognouisti? Id postmo-  
dum ita esse cognitum est.

NON omittam quod eodem con-  
tigit in oppido Spiritu sancto, Iose-  
pho ibi commorante. AEstatē tota *Pluuiam*  
ab ineunte Quadragesima ad vsqne *in longa*  
finem mensis Augusti in ea Prefectu- *siccitate*  
ra nunquam pluerat. Suasit Iosephus *pradicit,*  
vt eius rei causa per oppidum sup-  
plicatio institueretur: & ad rem or-  
nandā nouū vexillum, quod colonus  
Vincentianus ad oppidum S. Vincē-  
tium deferebat in vsum Sodalitatis  
Misericordiae, quæ est in illo oppido,  
commodatō acceperant. Quod ille  
ipse, penes quē eius cura erat, in tam  
diuturna siccitate, tamque firma, vt  
rebatur, serenitate, nihil suspicās ad-  
huc incōmodi, libens cōmodauit. Id  
cū vidisset expansum Iosephus,  
quasi subridens prēdixit: væ quam  
bellè habitum referetur? Erat dies  
ante 5. Kal. Septembres, S Augustino  
dicatus,



dicatus, serenitas tanta, quātam sex  
 mensium spatium à pluuia inanium  
 facere potuerat, nulla nubium su-  
 spicione. Traducebatur supplicatio  
 à templo nostræ domus per oppidi  
 plateas ad Ecclesiam matricem, in-  
 deq; eodem reditura erat. Quo cum  
 venissent, contractæ subito nubes  
 imbrem leniter primo, mox tāta ce-  
 pia effudere, vt viæ aquarum torren-  
 tibus exundantes reditum ad nostrā  
 eadem impedierint. Ita & diu arens  
 tempestas emollita, & terræ optato  
 imbri late, hominibus ad diuinam  
 laudandam Bonitatem hortamento  
 fuere. Tū, quod in præsens populus  
 adnotauit, ex Iosephi prædictione  
 vexillū imbri madefactū relatu est.

*Alia præ-  
 noscit  
 absens.*

ITER pedibus faciebat aliquādo  
 cum Iosepho, aliisq; comitibus An-  
 tonius Loufada colonus Ianuarien-  
 sis, cum confecto diei vnus itinere  
 sensit sibi culte Hum excidisse, quem  
 ipse ob pretiū magni faciebat. Dāni  
 iactura permotus statuit illius per-  
 quirendi causa totum iter denuo re-  
 metiri. Id cum sensisset Iosephus, ne

*lecura*



locū ipsū vt fieri poterat, imprudens  
præteriret, & repetiti itineris spe  
frustraretur, quā lōgè, & qua parte  
itineris eū inueniret, illi indicauit.  
Rediit, locoque à Iosepho descri-  
pto inuenit. Id ipse Loufada, cum S.  
Sebastianum rediisset, cum admira-  
tione narrauit: virum esse sanctum  
hæcque illi à Deo indicari: non e-  
nim qui toto itinere agmini longè  
antecessisset, humana vi, quid homi-  
ni extremi agminis contigisset, sci-  
re potuisse.

Hoc, aliòue tempore matrona  
grauis, & honesta in oppido Sanctis  
nauiganti Iosepho S. Sebastianum  
quatuor cotonitis pyxides, quas ad  
filiū deferret, in eius ciuitatis Col-  
legio degenti dabat. Est cotonitis,  
seu cydonitis ex malis cotoneis,  
saccaro decoctis bellariorum ge-  
nus secundis mensis grati admodū  
vsius. Excusabat Iosephus posse il-  
lam superuacuò officio super sedere  
postero enim die filium ipsam apud  
se habituram. Rata illa sibi verba  
dari, contendit eo magis à Iosepho  
illo



illa vt deferret; acquieuit Iosephus. Emmanuel, inquit, Oliueria (is erat eius filius) nostrum viaticum auget. Filius postridie ad matris congressum venit, matris munusculum in Iosephi, comitumque vsum concessit, neque hic legi repetundarum locus fuit. Hæc etsi antequam domui S. Spiritus Iosephus præset, videntur cõtigisse, ob similitudinẽ visum est cum rebus huius temporis coniungere.

*Prædictiones alia.*

Addam & alias quasi syntagmate quodam eius prædictiones, quas ad sua tempora reuocandi cura supersedendum esse duxi. Eodem in oppido Sanctis Emmanuel Oliueria Gagius filiam graui morbo oppressam vna cū vxore deplorabant: eam Iosephus inuisit, atque vtrumque parentẽ lugere prohibuit; quod illa ægritudine puella moritura nõ esset; sed ad nuptias suo tempore peruentura: ipsi tamẽ se parentes parent; vtrumque enim eorum filie funus præuenturum; & patrẽ quidem non diutius anno victurum; *ægro.*



agrotæ vero puellæ vini haustum  
dari, & venam ad sanguinis emis-  
sionem aperiri præcepit; seu quod  
ita expediret, seu quod iis reme-  
diis dicis causâ adhibitis valetu-  
dinis beneficio, quod ipse for-  
tasse suis precibus impetrarat, ve-  
lamentum quærebat; vt existima-  
retur puellâ iis artis adiumentis,  
non precibus melius habere cœ-  
pisse. Quod ipsum alias fecisse in  
agrotis aliis iam depositis cogno-  
scemus. Iis tamen remediis pu-  
ella ita respirauit, vt tandem  
Dei beneficio penitus conualue-  
rit; illaq; omnia, quæ Iosephus  
prædixerat, postea euenere. Porro  
puellæ ægrotantis mater Philip-  
pa de Mota multis annis ante alte-  
ram. Iosephi prædictionem veram  
fuisse experta erat. Degebat ipsa in  
parentum domo adhuc virgo, & iâ  
de ipsa in matrimonium cum viro  
honorato iungenda parentes ege-  
rant, erâtq; transacta omnia, cum  
anteq; spōsalia fierêt, quo casu igno-  
ratur, conuēta omnia magno vtrius-

✱ 2 que



que parentis moerore rescissa sunt,  
 Accessit ad eos solandos Iosephus  
 nil esse cur id ægrè ferrent; non e-  
 nim ipsorum filiam eius futurã fu-  
 isse, cui illam tradere cogitarãt: sed  
 illius virum Olysippone venturũ  
 qui indumenti quod circa se habe-  
 bit, liber dominus sit, illo ænigma-  
 te non obscurè innuens, Olysiippo-  
 nensem, quem ille promitteret, in  
 suis numis esse; alterum verò in æ-  
 re alieno. Atque ea fortasse eius dif-  
 fidij causa fuit, quòd cum credito-  
 ribus ille soluendo non esset, bonis  
 suis exturbatus sit. Prolem verò tã-  
 tam, tamque copiosam ex Olysi-  
 ponensi suscepturam, vt lintea in-  
 dusia quod cuiusque filiorum esset  
 ab ipsa parente non dignoscere-  
 tur.

MAGDALENAM Aluaram  
 in Spiritus sancti colonia graui  
 morbo afflictam, à parentibus apud  
 quos degebat adhuc propè deplora-  
 tam, prædixit ex eo morbo reuali-  
 turam. Reualuit, & cum hæc in Bra-  
 filia scribebantur, viuebat adhuc  
 & post



& post Iosephi mortem per id tempus vidua hæc Societatis Patribus narrauit.

ARTAE Fernando colono Ianuariensi, Iosepho familiari, cuius supramentio facta est, superioribus bellis sclopeti globus in tibia inheferat; ei Iosephus prædixit, in æstuariis circa fauces Ianuariensis sinus globum elapsurum. Cùm aliquot post annis canòda circa eum locum nihil minus cogitans animi causã vagaretur, decumanus à mari impetu coortus canòdam magna vi in æstuarium impedit, eaque concussione commoto crure globum, aperta sibi via sensit excussum. Quo euentu non magis suo commodo, quam quod amici sui prædictio vera fuerit, lætatus est.

CIRCA oppidum Spiritũ sanctum propugnaculum extruebatur: forte illac transiit Iosephus, colonos, qui in opere versabantur, hortatus est, vt operis laborem forti animo ferrent; breui enim Anglos illuc appulsuros. Supernuenere non

*Angli  
Pirata.*

Kuz 3, 1015 mul-



multo interiecto tempore Angli, cū  
minimè expectarentur; egressique  
in terrā damni nō nihil agris intule-  
rūt; cōcursu tamē colonorū, indige-  
narūq; ex vicinis illis, & oppidano-  
rū eruptione inanes ad sua nauigia  
reiecti sūt, cū in fuga eorū multi ar-  
ma reliquissēt, nōnullis etiā occisis.

IOANNES Fernandus Societa-  
tis Sacerdos in vico degebat colo-  
niæ Spiritus sancti; eum totius fa-  
miliæ Præses ad oppidum accerser-  
rat, tantum vt ei mandata daret,  
& rediret; quod eodem, aut summū  
die postero commodè fieri poterat.  
Prædixit ei Iosephus non nisi post  
quatuor menses rediturum: quod  
ita contigit, cum eius moræ cau-  
sam, quæ subitò internenit, neque  
ipsi Præfidi, neq; eorum alterutri in-  
mētē venire potuerit. Videtur id ex-  
tremis vitæ annis, quibus posito re-  
gendi munere, fractus ætate, & la-  
boribus exercitā tamē senectutē in  
ea colonia traduxit, contigisse.

*agroti sa-  
natiur.*

Persequamur reliqua, quæ ad eā-  
dē pertinet administrationē, diuinā  
in Iosepho virtutē declarantia, In



vico, cui à Victoria est nomen, & est in Spiritus sancti colonia, Lusitana foemina vidua Camilla Pereria tam graui dolore capitis torquebatur, vt prope de potestate mētis eiec- ceretur: & ei iam tanquā depositæ extrema parabantur. Iosephū in eo discrimine Spiritu sancto curāt ac- cersendum, qui cū venisset, ægro- tæ capiti, manu imposita, prædicat eo morbo nequaquam morituram; promittitque se in diē posterū, diui- nam hostiā de illius incolumitate oblaturum. Postero die, peracto sacrificio, redit ad ægrotā, iubet securo esse animo. morbum quidem comitialē esse, cui malo coelū illud fit salubre, sed tamen ita eo libe- randam, vt non in posterum tente- tur amplius. Vt prædixit, Dei bene- ficio prorsus euenit. Sed ego nul- lamputo coeli salubritatem cęlesti gratia veriorē Iosephi precibus im- petrata. Sed ille huiusmodi tegumē- ta curationibus ægrotorū quarere solitus erat.

*Morbus  
comitialis*

FRANCISCVS Dominicus

K 4

Ianua-



Ianuariensis colonus morbo occupatus ita pedum officio impediabatur, ut ne vno quidem gradu sine furculis, alis sustinendo corpori subiectis promouere se posset. Inuisit aliquando Iosephum iisdem fulcris sustentatus; iubet illum Iosephus illa serperastra abiicere: excusanti se aliter ingredi non posse, tradit peregrinantium hastile, quo ipse fortasse in suis peregrinationibus, itineribusque usus esset. Eo nixus, relictis sustentaculis, pedibus æger melius habere coepit, donec Dei beneficio omni penitus impedimento liberatus est. Hastile tamen viatorum tanquam suæ prædam valetudinis sibi retinuit. Quod etiam protulit, eum publicè coram Administratore Ecclesiastico Matthæo Acoſta iuratus testis accessit.

MAGENE vico Ianuariensis colonig bouem difficilem, & asperum nulla vis hominum trapeto saccharario adiuuere poterat: venerat eò Iosephus cum Sacerdote altero de Societate Vincentio Roterigio excipien-



cipiendis confessionibus operarū. Is re cognita, accedit ad bubile pecudemque sua signat benedictione, quam statim ita cicurem, mitemque reddidit, vt seruilus Aethiopicus solus iuga subiecerit.

Dv m̄ ibi moratur prope eandē saccharariam officinam adit hominē Balthasar Martinius Florentia colonus Ianuariensis, homo asthmaticus, multis iam annis male eo morbo affectus; quærit opem aliquam à Iosepho. Is hominem iubet de fonte, qui trapeto proximus est, bibere, pronuntiatis ante in honorem vulnerum Christi Domini quinquies, *Pater noster, & Aue Maria.* Paruit ille & ex eo tempore nullam passus est respirationis difficultatē.

*Homo  
Asthma-  
ticus.*

Ioannes Soarius ciuis Piratiniganus, cuius sæpe facta mentio est, Spiritū sanctū venit, cū adhuc in ea sede Iosephus familiæ præesset. Ibi tātā eū dysēteria cū sanguinis profluvio corripuit, vt iā de illius vita cōclamatū esset. Crebræ fluxiones hominē ad egerendū perpetuo penē

*Sanguinis  
profluvium.*



è strato exilire ita cogebant, vt nulum ad quietē, ne modicum quidem spatiū relinquerēt. Accedebat & stomachi languor omne cibi genus aspersionantis; ita venarum exinanitione, & infomnia vita sensim omnis exhauriebatur. Inuisit laborantem Iosephus, amiceque alloquutus; Fili, inquit, ne amplius a lui causa è lecto te eiicias ( ea enim nocte ppe centies exisse aiebant ) confido in Deū, te bene habiturum; manusq; illi imposita, ac per rotū corpus adacta diuina ope & sanguinis sterere fluxiones, & vigor stomachi reuinit; coepitq; munuscula, quæ ad ipsum cum vini rubri lagenula Iosephus miserat, grato cum sensu degustare: ex eoq; tēpore ita coepit cōualescere, vt tātū à Deo beneficium per Iosephū se accepisse fateretur.

*Puero  
muto lo-  
quendi  
facultas  
cōfertur.*

Est in eadā Præfectura vicus alius, cui à S. Ioā. nomē est. Erat in eo puer quinquēnis ita mutus, vt ne ad vnūquodē verbū linguā vnquā enodārit, cū interim sēsu auriū integer, q̄ ab aliis diceretur, optimē p̄ciperet. Cōtigit

vt in



ut in maga celebritate ex circūiectis  
locis & ex ipso oppido Spiritu sācto  
nobiles ad ludos, q̄ dabātur, plurimi  
eō cōfluērēt. Inter cætera ludicrum  
quoque fuit, non raro in eiusmodi  
conuentibus vsitatum. Anser viuens  
è transuerso fune suspensus pedibus,  
demisso collo, medio in stadio pen-  
debat. Certamen erat, quis ex omni-  
bus, incitato equo, ex cursu manu ca-  
put auis apprehensum auelleret. In  
eo certamine orta lis est duos inter  
equites, vtri eorum anser esset adiu-  
dicandus, cum sibi deberi contende-  
ret vterque. Erat tunc forte Iosephus  
in eodem vico; communi cōsilio cō-  
trouersiam omnem statuit ad eius  
arbitrium deferri. Ille mutum pue-  
rum ad se vocatum iubet pronuncia-  
re, cuius anser esse debeat. Sus-  
pensi omnium animi, quo tandem  
id euaderet, cū res ambigua ex  
pueri, & muti iudicio pēderet, expe-  
ctabāt; cū mutus puer ad Iosephi ius-  
sum ruptis linguę vinculis expedite  
pronūciauit, Me<sup>9</sup> est: proinde mihi dā-  
tus, quem ad matrē ferā. Exhilarauit



omnium animos tum pueri festiuitas, & inexpectatus exitus iudicij, tum multo magis rei nouitas, & diuinum beneficium puero collatum. Ita summa omnium lætitia controuersia sedata, & loquendi facultate & adiudicato anserere auctus puer domum rediit. Neque fere quidquam iis ludis populi maiore voluptate spectatum est. Enim uero quod in aliis vim doloris linguæ impedimentum perripisse legimus, ad Iosephi vota diuinam Bonitatem id puero præstitisse credendum est.

ET quoniam id in puero contingit, addam & alterum, quod item in puero habuit admirationem. Iohanni Baptistæ Mallio, qui in oppido Sanctis moratur, infans erat mensis natus undecim, hic graui, ignotoque morbo ita languebat, ut biduum totum ne lac quidem suxerit: opem petiit à Iosephi precibus parës. Is uertat hominem esse sollicitum; puerum beatæ Virgini à Conceptione, cuius templum Itanniæ colebatur, iubet comedari, ab ipsa haud dubiè salutem filium

*Infans  
agrotus  
sanatur.*



filium consequuturum. Quod ille cum fecisset, illo ipso die infans manibus os admouit, breuiq; postea conualuit. Quod idem à purissima Dei Matre Iosephi precibus impetratum infantis pater agnouit.

MANARAT de Iosepho in vulgus fama, ipsum solitum, cum iter faceret, porrecto brachio auiculas accersere, iubereque sibi digito insistere, ac Deum laudare, auesq; illi obtemperare solitas, & cum diu cecinissent, quasi ipsarum penso persoluto, eas verbis illis dimittere. Quando sat Deum laudasti, abi cum pace. Idem fecisse & hirundines cum in domo Spiritus sancti è fenestra sui cubiculi foras prospectaret. Hæc, aliaq; dum in Præfectura Spiritus sancti Societati IESU præfuit, à Patribus, fratribusque in ipso fere obseruata sunt.

PRAEFUIT postmodum domui S. Vincentij: quo tempore non his absimilia narrant contigisse. Turtures domi alebantur; hæ mensæ Iosepho semel extra tempus assidente, per

*Aues illæ  
obediunt.*

*Præst do  
mui S.  
Vincetij.  
Aues illi  
obediunt.*



per triclinij pauimentum micas in  
escam sectabatur: quas cum triclinij  
ministri abegissent, Iosephus redire  
iussit, & cibum sibi quærere. Eæ, tã-  
quam imperium percepissent, statim  
obtemperârunt.

REFEREBAT Gaspar Sampere-  
sius Societatis Sacerdos, cum ipsum  
de harum rerum fama, quæ ad se per-  
manasset, compellaret, hunc secum  
sermonem habuisse. Dicam, inquit  
Gaspar, quod res est. Iter mari facie-  
bam; forte marinus passer circũna-  
nim volitabat, brachium porrexit,  
passer aduolans confedit, puta, ut  
extentæ hastæ, aut antennæ insiderit.  
Ita, dum excusatione nititur rem to-  
tam eleuare, confirmauit magis: rem  
enim candida simplicitate patefecit,  
quæ latebat. Dicunt etiam, subiecit,  
me miracula facere & orantem à so-  
lo sublatum esse visum. Hæc quem-  
admodum excusarit, Samperecius ip-  
se, qui hæc referebat, fatebatur è me-  
moria sibi excidisse. Sed vel ex hoc  
licet intelligere, ea & frequẽtia fuisse,  
& in oculis, & in ore omnium  
versari solita.

SED



SE D alia adhuc maiora contigē-  
te, admirabilem ipsius in Deum fi-  
duciam protestantia. Defecerāt pror-  
sus cibaria omnia domi; admonetur  
Iosephus tempestive à trielinij, cel-  
læque penariæ ministro, annonæ ni-  
hil esse domi in cibum eo die, præ-  
ter mala medica nonnulla, & fari-  
nam militarem, quam etiam mandi-  
ocam vulgo nominant: ea ex certæ  
plætæ radice pinfitur, ex qua panis ut-  
cunq; conficitur, & cruda etiã panis  
loco in cibum mādatur. Quæ, quoniã  
firma, & diurnæ est integritatis, e-  
ius multus vsus est in bello, ob eamq;  
rem farinam bellicam seu militarem  
dicunt. Hoc nobili ferculo Vincen-  
tiana familia fuit ea die sustentanda.  
Iubet Iosephus, cum hora venerit,  
signum dari ad se vnumquenque de-  
more colligendum, suæque consci-  
entiæ rationes expendendas, quod  
horæ quadrante ante prandium in  
Societate I E S V ubiq; est quotidianũ  
Ipse interim sua spe certus ad inex-  
haustũ immensæ potentia penu pertē-  
tandum

*Defici-  
ente do-  
mi an-  
nona cõ-  
baria  
submis-  
tuntur  
in tem-  
pore.*



randum totum se confert; interuallo deinde quadrantis horæ reditidem minister, renouataque domestica inopia memoria, cōsulit, quid factō opus sit. Iubet iterum Iosephus signum dari, ac mensam iniri. Datur signum, cōueniunt; statas preces præmittunt, mensæ assident; vir dum religiosa lectio de more instituitur, cum fores pulsantur; eos confert ianitor: cista epularum plena adhuc ex coquina recentium illi offertur, à Iosepho Adorno nobili Ienuensi, cuius supra mentio facta est, eleemosyna missa, quibus in singula capita distributis, abunde suppeditauit omnibus in prandiū. Quæ res maiore affectu ad agendas Deo grates omnium animos excitauit.

NON ignotum est, & superioribus temporibus alijs sanctorum virorum familiis in summa eorū omnium inopia, aut Angelorum ministerio, aut piorum virorum commiseratione abundè diuinam prouidentiam escas ex insperato suppeditasse: & proximè primis Societatis temporibus



poribus in Hispania, haud multis  
annis antequam hæc Iosepho conti-  
gerunt, subitis eiusmodi necessita-  
tibus eadem diuina benignitate sub-  
uentum esse. Anno ab ortu Dei ho-  
minis quinquagesimo secundo su-  
pra millesimum & quingentesimum  
Societatis 13. oriens tum primùm  
Salmanticense Collegium in tan-  
tam rerum omnium difficultatem  
deuenit, vt nihil omnino ad victum  
domi esset, & crumena penitus ex-  
hausta. Matutina communi familiae  
supplicatione iussu Præsidis omni-  
bus indicitur, vt præsentem diuinæ  
Bonitati necessitatem commenda-  
rent. Expleto precationis, tempore  
subitò ad ianuam pecuniæ tantùm  
est allatum, quantum ad egestatem  
subleuandam satis fuit. Anno inde  
eius sæculi quinquagesimo quarto,  
Societatis decimo quinto, Francisco  
Borgia in Hispania Commissarij  
munere Societatem regente, Hispa-  
li neque alimenta in penu, neque in  
arca pecunia vlla erat; & fortè illo  
ipso die Sacerdotes è Societate ex-  
itinere



itinere ad eos diuenterant: aduentate  
 hora cibi capiendi, adit Collegij Re-  
 ctor Borgiam difficultatis non igno-  
 rum. Quid sit agendum, incertus, Bor-  
 gia coniecta subito in Deum mente,  
 hærere tantisper visus est, moxq; co-  
 uersus ad Rectorẽ: Vestram, inquit,  
 cum tempus est, campanulã pulsate  
 & in Deo spẽ reponite. Datur signũ,  
 Socij conueniunt ad mensã, cũ subito  
 ad ianuam præsto est puer ab Isabel-  
 la Galindia inclytæ nobilitatis, &  
 eximia pietatis foemina cum fiscina  
 epularum plena, quæ toti familiae a-  
 bundè & in escã etiã pauperũ super-  
 fuere. Neque Hispali tantum, sed &  
 Septimanæ, & Vallisoleti, cum do-  
 mi nihil esset, vnde, fames leuaretur,  
 & Socij mensæ iam accumberent, in  
 ipso temporis articulo, incertum a  
 quibus copiosa prædia submissa; iis,  
 qui ea tulerant, beneficorum ami-  
 corum prodere nomina recusanti-  
 bus.

VERVM hæc in ipsa prima Soci-  
 etatis ætate, ac plane pueritia, fami-  
 liis nondum certo vectigali consti-  
 tutis



tutis, domibus omni apparatu inanibus, incensis omniū animis amore incommoda præsertim paupertatis patiendi, & quibus rerum inopia esset in deliciis, non mirum est euenisse. At in familia iam haud paucis annis fundata, & idoneo dotata vectigali Præsidem in tanta egestate sedere otiosum possit aliquis mirari, & hominis prouidētiam desiderare. Sed qui superiore lumine, quā humana prudentia regitur, est iure optimo hac hominum cēsura eximendus: non ille temerè certam de diuina prouidentia fiduciam cōceperat, qua duce certiore via, quam humanæ industriæ ratione ad exitus cōsiliorū peruenitur. Quæ causā subitæ fuerit penuriæ assequi cōiectura quis contendat? non tamē illi, quod sui muneris esset, neglexisse credendum est, neque vias illi ad omnē expediēdam difficultatē defuisse: sed noluisse humano cōsilio impedire, quod in diuino lumine diuina prouidētia cernebat expediētū iri. Et fortasse hui⁹ inopiæ exēplo dig-



dignum iudicauit senescentem sen-  
sim nostram in Deum fiduciam re-  
nouare. Voluit certè Deus torpori  
nostrum, si minus ad hæc miracula,  
ad viam saltem, qua ille ad tam ex-  
celsum virtutum gradum ascendit,  
set, capeffendam excitare: nempe ad  
amorem in Deum, perpetuamque de  
Deo cogitationem.

*Oleum  
in mug-  
na chari-  
tate do-  
mi nun-  
quam de-  
ficit.*

LABORATUR tota S. Vincentij  
Præfectura olei inopia. Patres Vin-  
centiani cadum vnum olei domi ha-  
bebant, è quo ad domesticos vsus, &  
ad perpetuum alendum lumen ante  
sanctam Eucharistiam duabus in  
Ecclesijs Vincentiana, & Piratinin-  
gana, quæ eidem tum Præsidi pare-  
bant, & ad eleemosynam indigen-  
tium, hauriebatur: cumque oleum in  
dies minueretur, exiguoque, ac te-  
nu fonticulo distillaret, quod in  
huiusmodi inopia fieri solet, sub-  
fulta sæpius posteriore vasis parte,  
liquidoque in anteriorem acclina-  
tam coacto, oleum tamè coepit gut-  
tatim defluere. Denique eo ventum  
est, vt ne vna quidem gutta extilla-  
ret.



ret. Antonius Riberius è Societate  
rater, cellæ custodiæ præpositus Io-  
sephum admonet, cadum non modò  
exhaustum; sed iam planè exsiccatū  
posse inde ad vsum alium transfer-  
ri. Vetuit Iosephus, iussitque ad do-  
mesticas omnes opportunitates, &  
ad inopum egestatem eodem vti  
confugio; Deum patrem esse mise-  
rationum, facturum, vt intra ipsum  
vas oleum non deficiat. Paruit ille  
monito, & vt arens fonticulùs in  
summa æstatis siccitate, quanuis te-  
nuiter labens noctu deficiat, redeūte  
tamen die rursus extillat; sic expletà  
præsenti necessitate, vas fluxum re-  
tinebat quasi omni liquore exhau-  
stum, noua oblata necessitate, rursus  
tenuiter fluere, donec præsens leua-  
retur inopia, incipiebat. Biennio  
propè toto, quo regio inopia labo-  
rauit olei, cadus, quantum ab eo po-  
stulatum est, etsi tenui ripulo, tantū  
fideliter reddidit; ita vt miraculi fa-  
ma percrebuerit, oleum in Patrum  
domo Iosephi precibus nunquam  
deficere.

IN



IN summa igitur inopia Era-  
 morum nauis ( negotiatores Belga  
 hi sunt ampla in iis locis negotia  
 habentes ) in portum inuecta, olei  
 dolium eleemosyna misit Patribus  
 detulit; quo in penariam cellam il-  
 lato, vt illius viduæ ab Elisæo edo-  
 ctæ, deficientibus vasis; modica vi-  
 duæ mēsurā, ita olei fonticulus sta-  
 tim exaruit. Et id quoque magna eū  
 omnium admiratione, & Dei laude  
 in vulgus emanauit. Iam quāta cura  
 diuinitus admonitus ad eas suble-  
 uandas necessitates in sede Spiritus  
 sancti accurrerit in tempore non  
 ita multo ante exposuimus.

*Duorum  
 fratrum  
 incom-  
 modis  
 occurrit  
 in tem-  
 pore,*

GRAVIOR adhuc causa è do-  
 mo S. Vincentij ad domum alteram  
 suæ ditionis attraxit. Fratrem quē-  
 dam eius loci Præses iusserat se cu-  
 biculo continere; neq; inde iniussu  
 suo efferre pedē. Huius rei Iosephus  
 diuina inspiratione factus cōscius,  
 accurrit ad miseri casum subleuan-  
 dum. Ita homo imbecillis, & male  
 affectus, solus, nudis pedibus iter  
 leucarum quindecim ante meridiē  
 confe-



consecit. Domum intrat, adit moe-  
sti hominis cubiculum, apertoq; o-  
stio, iubet miserum exire, & sibi præ-  
dium parare in triclinio. Sumpto ci-  
bo cum Præsidente colloquitus, vtrūq;  
opportunitis monitis instructum, in-  
ter se reconciliauit. Domesticis sa-  
lutatis, suaque benedictione confir-  
matis, amicis etiā externis, qui ipsū  
adierant, officiosè dimissis, eodem  
die, vnde venerat, redijt; cum ne ibi  
quidem illo die ipsum desiderari  
quisquā animaduertisset. Commissæ  
sibi charitas ouiculæ hominē tan-  
tum incōmodum adire iussit: quod  
fortasse non tam cōmodè ei malo  
alterius manu medicina admoueri  
posset; multū enim interest, dum  
in tumore est animus, cuius aucto-  
ritate, beneuolentiaq; subleuemur.

FRATER alius de Societate præ-  
dia Societatis curabat. Erat ea loci  
natura, vt non nisi maritimo itinere  
illuc adire, indeque redire liceret.  
Hunc siue loci solitudo, siue quid a-  
liud illi animū inceserat, egridines  
variæ, tristesq; curæ sollicitū habe-  
bant;



bant; neque erat, qui moestum ani-  
 mum leuaret, nec quicum ille su-  
 ægritudinis causas conferret. Ter-  
 tium iam diem miser illo angore te-  
 nebatur, cum domo egressus ambu-  
 lans in agro videt non longè Iose-  
 phum cum viatoria virga solum ad  
 se adeuntem. Occurrit lætus, homi-  
 nem venerabundus salutat, adue-  
 tum gratulatur. Tua vnus causa, in-  
 quit Iosephus, hic adsum. Ille expe-  
 sitis omnibus, quæ se sollicitum ha-  
 berent, in prudenti, charitatisque  
 plena Patris oratione acquiescens,  
 pijs eiusdem monitis confirmatus  
 se recepit. Neque qua ratione eos  
 Iosephus contulerit, aut inde in su-  
 am sedem redierit, ne cogitatione  
 quidem assequi potuit. Nec mirum  
 eundem Spiritum, qui hæc illi nota  
 faciebat, vt ex itinere Aethiopi  
 Eunuchi Philippum Diaconum resti-  
 tuit in Azotum, ita hunc, vnde eum  
 asportarat, in eundem locum reu-  
 lisse. Licet in his rebus diuina in ho-  
 mine dona cum veneratione admi-  
 rari: charitatem vero erga suos, cu-

ram,



ram, vigilantiamque in eorum præuertendis lapsibus, afflictis erigendis, moestis consolandis benevolentiam, & erga omnes comitatem possunt omnes, ij præsertim, qui aliorum curæ præsumt, imitari.

Sed pergamus ea, quæ de ipso referuntur, dū v incētianæ domui præfuit enarrare. Testatur Stephan<sup>o</sup> Riberi<sup>o</sup> ciuis Piratininganus, eodē die diuersos homines & S. Vincent. & Piratiningæ cū Iosepho collocutos de suis rebus transegisse, cum inter oppidum vtrumque tanta interiacet distantia, quantam sæpius commemorauimus. Alia huius generis aliis temporibus contigisse suis locis ostendemus: at texam tantum q̄ huius loci proprium est. Proficiscatur cum Sacerdote altero Vincentio Roterigio, quem per sæpe comitem in suis peregrinationibus habere consuevit, Piratiningam. In medio itinere, imminente nocte, hospitio sibi tugurium de more extruunt. Eadem via aduerso itinere Piratininga Sanctum Vincentium

L Lusitani

*Eodem die duobus distantibus in locis agit cum hominibus vtriusq̄ loci*

*Quidam ne arborum ruina opprimatur. cauet.*



Lusitani aliqui petebant: nondum  
 ad eum locum, quem Patres sibi de-  
 legerant, venerunt, cum citra sem-  
 lenca spatium, & ipsi sibi tugurium  
 ad pernoctandum excitarent. Misit  
 ad eos Iosephus unum ex indigenis  
 comitibus, qui iis denunciaret, ne  
 illo in hospicio pernoctarent; sed  
 ad Patrum hospitium se conferre-  
 ne arborum, quae procerissimae tu-  
 gurio imminerent, ruina opprime-  
 rentur. Mirati illi unde se eo veni-  
 se rescisset Pater, fidem tamen habue-  
 runt monitis non dubij quin, qui il-  
 lorum iter, & commemorationem  
 nosset, futurae quoque calamitatis  
 euentum praevideret. Itaque, eodem  
 Puero duce, ad Patrum hospitium  
 processere: quos ea conditione Iose-  
 phus intra cotubernium admisit,  
 ut ante apud Roterigium confessione  
 peccata expiarent: quin etiam unus  
 ex iis, qui id neglexerat, & una  
 cum ceteris se insinuabat, redire  
 iussit, ut confiteretur, adiecitque  
 quasi admisto loco: nemo incon-  
 fessus infortunium, quod vobis-  
 cum



cum trahebatis, huc inferat, ne vna vobiscum eadem calamitate inuoluamur. Ea nocte ingens ventorum rabies magnam excitauit tempestatem; mane vtrique suum iter tenuerunt. Patres, vbi ad locum, quem Piratiningani pridie delegerant, venerunt, prostratas magnas arbores, & tugurium oppressum, obtritumque gratias agentes diuina Bonitati perspexerunt.

*Ad Missale septem leucarum itinere semihora affert.*

**A L I O** tempore iter idem cum eodem Roterigio, aliisque Societatis Sacerdotibus Piratiningam habebat: cum septem leucas emensissent, montesque Piratininganos iam conscenderent, ad locum venere sacro Missae faciendae destinatum; & cum reliquis adesset apparatus, sentiunt Missalem codicem deesse; & festus erat dies. Suscipit negotium Iosephus illum S. Vincentio accersendi: post semihoram adest cum Missali sub axilla inde desumptum; cum tamen neque ipse S. Vincentij visus esset, neque liber ipse, quem tulerat illic





desideratus. Ergo aut spiritu Domini obtectus illuc Iosephus delatus est, & breui illo interuallo in suum comitatum restitutus; aut Angeli ei manu liber allatus, quemadmodum supra in breuiario factum esse cognouimus comitibus nihil sentientibus. Sed vt hæc noua non erant in Iosepho, ita sermo de re postea nullus habitus. Iter deinde persequuti Piratiningam tandem, conscenso monte, tenuerunt. Hæc vtrū illo familiam regente facta sint, an antè, cum priuatus illic degeret, mihi in obscuro est: sunt enim quæ suspicionem moueant in vtramque partem. Præfagit tamen animus, tū hæc, tum illa quæ sequuntur, hoc potius tempore euenisse, quo non minus iucundè, quàm admirabiliter puerile furtum detexit. Quod vt planè intelligatur, ac ne in parū noto nomine impingamus, est aliquantum non longa, & nec multū aliena egressione de cursu narrationis excedendum.

Inter peregrina poma, quæ ex alienis



lienens terris superiora sæcula in Italia primùm, indeque in occidentales oras asportarunt, omnium nobilissima, ac præstantissima sunt, quibus ab acore in Italia est nomen. Eorum tria genera præcipuè familiam ducunt: mala Medica, limonia, & citrea. Medica, quorum est maxima copia, & vsus frequentissimus, aurei coloris sunt magnitudine & forma malis cotoneis similia: aurancia in Hetruria nominantur; & hoc nomen omnium maxime nobilitat: ut festiuo etiam colori nomen accesserit; cortex ab interiore pomo facile auellitur, qui ex melle decoctus grati admodum saporis est, alias inutilis, carne admodum tenui, & gratissimi, succi alias acidi, alias dulcis vix instar grauida. Citreis, ac limoniis color idem, flauus vergens ad albedinem. Sed limonia ovali forma: cortice, carneque non multum ab aurantiis dissimilia, sed cortex non auellitur; longe etiam nobiliore sapore, odoreque citrea forma multo maiore, rotundioreque

*Poma  
qua ab  
acore no-  
mina-  
nantur.*

*Mala  
Medica,  
limonia,  
& citrea.  
Auran-  
cia.*

*Citrea;*

L. 3; cor-



cortex, extimus uis, non ut limoniis æquus, & læuis, sed aliquanto callofior, & tuberculis, quasi verrucis non nihil inæqualis: verum ut limoniis corpus vna cum cortice grato admodum sapore totum edule. Auraciorum, limoniorumq; magna copia; citrea rariora, neque ubiq; æque proueniunt. His odor non modo ab auranciis, & limoniis dissimilis, sed etiam ita gratus, ac nobilis, ut ea tantum causa integra feruentur, ut cubicula grato odore redoleant. Intus à cognatorum natura dissimilia, pepo- nibus similia; caro etiam pepo- nū carne solidiore ab extimo cortice ad intimum sibi similis, nullo putamine. Et ut pepones angustum cōtinendo semini in media aluo finū apperiant ita citrea succū omnium pretiosissimum cum semine concipiunt, aluntque; qui conditus ex saccharo antidotum est aduersus pestilentes morbos efficacissimum. Adhæc tria genera, siue illa regionum natura discreuit, siue agriculturalum solertia naturam mutauit, mil-



miscuitq; alia tria genera referuntur. Limonia Hispanica vnum genus nominat Italia, poncilia Hispania: à citreis non nisi mensura diffimilia, sunt enim fere duplo maiore, sed breuiore longitudine, humani pene instar capitis, colore etiam paulo tristiore. Cæterum vix à citreis distare noueris; estque eorum copia angustior, vsque eo difficiles educatu arbores sunt, & pomorum moles minuit fœcunditatem. Sunt & alia mala media inter aurancia, & limonia; Adami poma vulgo nominant: edulia tota, vt limonia; magnitudinè, & figura auranciis similia, cæteris rebus esse dixeris limonia, sed succo sine acido suauiore; etsi non in omni coelo suauia proueniunt: nam in plerisque Italia locis quæ nascuntur, gustatui aduersantur. Omnium suauissimi, & scitissimi saporis, quas limas vocant Hispanicas, Adameis pomis non parum minora: & nisi succi præstent bonitate, cætera similia; & horum quoq; rara copia. Hæ omnes arbo-

*Poncilia seu limonia Hispanica.*

*Adami poma.*

*Lima Hispanica.*



arbores è Lusitania in Brasiliã trã-  
 lãta felici pronentu propagantur.  
 Hæc eo explicanda duxi curiosius,  
 quod, quib. in locis frigorum aspe-  
 ritas has plantas adolescere non fi-  
 nit (neque enim ne in Italia quidem  
 regionibus omnibus hæ notæ arbo-  
 res) peregrinum, & ignotum nomē  
 iis, quæ subiiciuntur, obscurita-  
 tem offunderet: quis enim cui hæc  
 nota non sint, limas dari puero ze-  
 miorum loco cum audierit, nõ stru-  
 thiocamelii concipiat naturam? Dū  
 Piratiningæ Iosephus moraretur,  
 affidebat aliquando vna cū Vincē-  
 tio Roterigio in schola puerorum:  
 iubet vnum de pueris è patrum vi-  
 ridario sex limas ex arbore decer-  
 ptas ad se afferre, quas fortasse pue-  
 ris è proposito certamine victorib⁹  
 præmio daret. Paret puer lubens; &  
 astutus sex alias sibi legit, quas  
 certū in locum abdidit. vnde cōmo-  
 dè, dimissa scholã, eas repeteret: sex  
 priores, vt iussus erat, Patri detulit.  
 Non fefellit Iosephum puerile fur-  
 tū; accersitoque puero altero, vbi  
 furti-

*Puerile  
 furtum  
 detegit.*



furtivæ limæ abditæ essent, indica-  
vit, easque ad se afferri iussit: quas  
cum attulisset, iubet eum, qui fur-  
tum fecerat ad se acciri; eique sex  
prioris limas dat. Cipe, inquit, haf-  
ce, neque post hac furtim surripere  
quidquam adsuescas. Miser ille, pu-  
dore affectus, fletu & lacrymis suâ  
ingenuitatem tutatus est. Pecca-  
verat, sed puerile peccatum puerili  
satisfactione compensatum est. Mul-  
ta alia, ut in toto eius vitæ decur-  
su licet animadvertere, diuino Spi-  
ritu cognouit.

Per idem tempus, quo Vincen-  
tiana præfuit familiæ, sensit Domi-  
no inspirante graui periculo oc-  
currendum esse Piratiningæ; matu-  
ratoque opus esse. Itaque puero v-  
no comite ex indigenis alumnis,  
dedit se in viam, & cum per forum  
oppidi transiret, viderunt festinan-  
tem Georgius Ferreria, quatuorque,  
quinqueue alij ciues, qui in circulo  
colloquebantur. Quærunt quo tanta  
cû festinatione cõtédant? Piratiningâ  
respondet, ad cõpescendû diabolum,

L 5 qui

*Pirati-  
ningam  
occurrit  
ad duos  
dissiden-  
tes recõ-  
ciliandos*



qui vinculis emissus, furens duos  
inter viros primarios bacchatus,  
eos acerbis inter se odiis succer-  
dens. Quærit iterum Georgius, æ-  
quem rei nuncium, seu cuiuspiam  
sermone, seu literis acceperit? cum  
abnuisset, iterque suum persequere-  
tur, intellexerunt, id illi, Deo man-  
ifestante, indicatū. Cognitum est po-  
stea duabus circiter ante Solis oc-  
casum horis, eo peruenisse, & eos,  
quos inter dissidium illud exarbi-  
fet, diuina ope, per Iosephum pote-  
state Tartarea compressa, ad con-  
cordiam rediisse. Nec minus mirū  
fuit, hominem imbecillo corpore,  
nec satis firma valetudine, cum te-  
nera ætate adolescentulo tantum i-  
ter tam breui tempore cōficere po-  
tuisse, quam periculi grauitatem tā  
longe positum cognouisse. Sed cur-  
ius virtute prius, potuit etiam & al-  
terum noua nulla admiratione. Ma-  
ius adhuc periculum, & , vt videtur  
item Piratiningæ depulit, cum duo-  
rum constitutam cædem prohibuit.  
Sed id oportuniore loco mox vide-  
bimus.



EODEM in oppido S. Vincentio  
in re leui prædictionem tamen ve-  
ram euētus declarauit. Vnus è pro-  
curatoribus Erasmore, quos sæpe  
commemorauimus, qui saccharario  
opificio præerat, vini dolium pene  
iam exhaustum domi habebat, neq;  
anno toto eius mercis nauis vlla  
venerat. Querebatur homo Belga  
cum Iosepho hanc inopiam, vitam  
sibi defuturam, deficiente vino, no-  
uum fortasse ab ipso in vino mira-  
culum expectans; quod ante in oleo  
contigisse euulgatum erat. Blande  
hanc querimoniam Iosephus acce-  
pit, hominemque securo esse iussit  
animo: nõdum, inquit, præteriit sa-  
cra. S. Francisci dies, & erat pri-  
die eius diei. Ecce tibi festo S. Frã-  
cisci die nauis onusta vino, ad ipsũ  
missa procuratorẽ magna cũ omniũ  
admiratione, qui ei sermoni inter-  
fuerunt, portum intrat. Quis hĩc au-  
dierit diuinam suo iudicio prouiden-  
tiam metiri? tantine fuit opera-  
rium hominem in metu rei le-  
uissimæ

*Homini  
vino in-  
digenti  
innuit  
die poste-  
ro ei alla-  
tum irã.*



uissimæ spe diuini promissi confir-  
 mari, vt diuino Spiritu mens homi-  
 nis cum Deo perpetuo cohiucta  
 propterea fuerit illstrāda? an, quod  
 illius commiseratione commotus,  
 vt illo exemplo ad spem in Deū  
 defigendam erigeret, Iosephus eam  
 prænotionem à Deo impetrauit?  
 an, quod ex illa admiratione boni  
 aliquid ad eos permanauit, qui re-  
 totam obseruarunt? sæpe enim ac-  
 cidit vt cognita insignis alicuius vi-  
 ri sanctimonia homines ad melio-  
 ra vitæ consilia conuertat. Magni  
 refert, quo affectu, quane reuerē-  
 tia sanctorum virorum verba, mo-  
 nitaque accipiantur.

*Occulta,  
 etiam  
 que la-  
 tent in  
 animis  
 cognoscit*

Mirum est, quanto diuinitus oc-  
 culta cognoscendi dono præditus  
 fuerit: vt non quæ fierent modo,  
 sed etiam quæ intra animum suum  
 agitarent, tanquam in tabula de-  
 picta perspiceret. Graui mentis æstu  
 angebantur quidam, neque adhuc  
 animi sui perturbationem cuiquam  
 detexerat; commodum fit illi ob-  
 uiam Iosephus, & his tantum ver-  
 bis



bis vsq; Apage, Apage ista, quæ ad re-  
non pertinent: suaque benedictione:  
imperitum hominem ita tranquil-  
lauit; serenatoque reddidit animo,  
vt si nulla vnquam tristis cogitatio  
illius animum subijisset. Ita fere ni-  
hil eum fallebat, ne eorum quidem  
quæ vel remotis arbitris à quopiam  
gerebantur, eratque id ita omnium  
cognitione euulgatum, vt multi ve-  
rerentur in ea esse familia, cui ille  
præfset. Testimonium post eius  
mortem de ipso dixit vnus è dome-  
sticis: sibi quædam à Iosepho esse  
patefacta, quæ inter ipsum, domesti-  
cosque intercesserant; quæ non nisi  
diuino lumine scire potuisset. Quæ  
res efficiebat, vt ponerent omnes  
corda sua super vias suas, multoque  
attentius vitarent offensiones, cum  
scirent nihil domi geri, quod Præsi-  
dis effugeret cognitionem. Qua ta-  
men ille cognitione non nisi ad eo-  
rum, quorum intererat, vtilitatem  
vtebatur; vel vt eorum commodis  
prospiceret, vel vt eos errati admo-  
neret.



neret, aut conscientiam ipsorum  
tranquillaret.

*Testo cui-  
dam fra-  
tri dari  
iubet  
ientacu-  
lum cum  
opsonio.* FRATER è familia multa affe-  
ctus ad vires recreandas à ministro  
cellæ penariæ ientaculum, & ad pa-  
nem opsonij à liquid petierat; ne-  
gavit id se posse iniussu Præfidis cel-  
larius, cum moueri domi nihil pos-  
set præter ordinem, quin id Præses,  
vel nullo referente, rescisceret. Ac-  
quieuit æger æquo animo: vix dum  
ille discesserat, cum adit ipse cella-  
rium Iosephus, monetque fratri, il-  
li dare quod petierat; valde enim  
eo leuamento indigere.

*Puero cõ-  
fidenti  
peccatum  
aperit,  
quod ce-  
larat.* DE se in suo testimonio testatur  
alius extra familiam, se, cum puer  
esset, Patriq; Iosepho confiteretur,  
ab ipso certi peccati admonitum,  
quod puerili metu sciens prætere-  
rat, statuisseque ex ea, quæ de ipso  
passim habebatur opinione, id Pa-  
trem diuina reuelatione cognouisse  
propterea à Deo venia petita, inte-  
grè confessum esse.

DIXI de ijs, quæ terrori essent:  
addã non nihil de ijs, quæ ad leuaciũ  
animum



animum pertinent. Sacerdos è Societate Iosepho confiteri solitus, sacrificaturus, eum confessionis causâ adibat; iubet illum Iosephus securo esse animo, & sacrificium offerre. Cum instaret Sacerdos, esse, quæ cõfessione indigerent; iubet iterũ Patet bono esse animo, & peccati genus prodens, nullam penes ipsum esse culpam, quin potius multũ ipsi ad meritum accessisse, declarauit; cũ tamen res esset eiusmodi, vt nisi diuinitus edoctus, & genus ipsũ nosse, & iudicium de merito ferre non potuisset. Sacerdotẽ alterũ, antequã verbũ proferret, ab se dimisit, nullã eius rei, quæ conscientia vrgeret, apud ipsum affirmã culpã residere.

A T T E X A M. huic loco graue, publicumq; quod Iosepho vita functo testimonium dedit rogatus Ioannes Soarius ciuis Piratinninganus; se ante annos circiter triginta quinque P. Iosephũ Anchietã in ora Brasiliæ nosse coepisse, eiq; populos circa positos obeũti sapius comitẽ fuisse; seque illius prope lacte, halituque

*Consci-  
entiam se  
adeuntia  
um con-  
fessionis  
causa  
videt.*



tiq̄ue educatum, ipsum semper, tā-  
quam virum sanctum veneratum  
esse; & cum factus iam grandior sa-  
pius certo consilio patrandi aliquid  
contra ius, fasque vt iniurias, rixas,  
aliaque id genus, quibus diuina lex  
violaretur, iter suscepisset; neque  
ius rei vllus esset conscius, in Iose-  
phum incidisse, qui, tanquam ip-  
sius animi arcana introspiceret, paterno  
amore se ab ea mente amoueret.  
Cauē, fili, inquit, eo tendas, quo  
coepisti: caue istud animo retineas,  
quod concepisti, muta mentem, al-  
lioqui puniet te Deus; ita eius mo-  
nitionum vi sententiam mutasse.

*Duas à  
decreta  
eade du-  
orum re-  
uocat.*

Adiecit præterea hominem multa  
familiaritate sibi coniunctissimum,  
propriam coniugem, quod ab ipso  
recessisset (subita, vt videtur, mulie-  
brique indignatione, magis, quam  
grauioris culpæ suspicione) interfici-  
cere decreuisse, & alterum præter-  
ea, à quo iniuriam profectam esse  
suspicaretur; ad hoc patrandum fa-  
cinus, se amici precibus, & conten-  
tione victum vna cum ipso conspi-  
rasse



raffe: & cum remotis arbitris, nullo conscio, hæc maxime agerent inter se, superuenisse Iosephum, grauiq; oratione vtrumque ab eo consilio deterruisse; se tam iuexpectata re percussos, atque admiratione defixos, qua ratione tam occultum consilium ad eum permanasset, victos momentis rationum, quid responderent; non habuisse, non tamē a praua illa mente destitisse. Iosephum iterum maiore contentione rem adortum, & quā rationibus, quā minis diuinæ vltionis vsque eō disputando processisse, vt victus alter manus dederit, promiseritq; se vxorem in gratiam recepturum, remq; totam Iosephi arbitrio permissurū. Ita Deo bene iuuāte, & diuē immeritē cædes prohibita, & duo coniuges reconciliati summa concordia & cum diuino cultu vitam deinde duxerunt, Ita coelestem suam, perpetuamque cum Deo consuetudinem, ad suorum vtilitatem traducebat.

P O R R O inter multas, variasq; regen-



regende familiae occupationes, non omisit, curam infideles ad Christi gregem conuocandi, tum per eos, quos regebat; tum ipse quoque, cum vacabat, praesens adiens. Sunt intra Brasiliae mediterranea, vti supra demonstrauimus, aliae, atque aliae nationesne dicam, an syluestrium hominum greges? In iis Tapuyarum naturam, seu potius naturae noxae supra ostendimus. Tapuyis, si vagam vitam, inconstantisque mores spectes, non admodum absimiles sunt Maramosij; immo vero passim Tapuyarum numero censentur: homines item, asperi & vagi, nullo cultu nullis artibus, nulla certa sede: nulla iis altilia, apparatus ad victum nullus; cibus, quem in diem sagittis sibi parant. Syluas habitant, rupesque, pertinentque eorum citimifines ad colonias quae S. Vincentij, quae Spiritus sancti. Hi tamen quam caeteri Tapuyae minus feri; interlucentque in iis inter altam barbarie nonnulla naturae lumina: nam & Lusitanum amant consuetudinem, amicitiam

*Maramosij.*



nam colunt, & vno fere coniugio contenti viuunt; humaneq; carnis esu abstinēt: quin hac vna præcipuè virtute Brasilis ceteris se præferunt, quod ne suorum quidem hostium, quos occidunt, carne vescuntur. Hos ad Christum adducere Iosephus iam tum ex eo tempore contendit, cum adhuc in Vincentiana sede priuatus degeret: nunc autem, ipso familiam regente, eorum non magna manus, relictis montibus, & solitudine, se ad frequentia receperunt, & circa aream Biritiocam in Vincentianis finibus cōfedere. Ad eos amice, humaniterq; excipiendos, & sedes, agrosq; iis assignandos coloniarum Præfectus se contulit, vnaque cum illo venit etiam Iosephus, adiuncto sibi comite Emmanuele Viega, Societatis item Sacerdote. mansit inter eos Iosephus cum Viega dies quindecim; quo tempore, dum res inter eos componit, Ecclesiam ordinat, vitæ ciuilibis pro captu gentis rationem præscribit, aliaque ad communem societatem seruandam constituit.

*Marymosios  
studet ad  
Christum adducere.*



tuit, vt erat eiusmodi industrię multum vsum adeptus; ipsorum linguarum Dictionarium & artem Grammaticam ordinare aggressus est, vñ ad id opera seruę mulieris ex ea gente, quę communem linguam in seruitute didicerat: nam sermone illi vtuntur, à communi Brasilorũ dialecto, qui maris oram accolunt, non parum diuerso; & qui non sine labore ab alijs intelligatur. Sed reuocatus Iosephus ad regimen suorum, inchoatum opus, & recentem Neophytorum curam Viegę persequendam tradere necesse habuit. Viegas porro rem totam ita strenue suscepit, tantaque cura, sollicitudineque nouas Ecclesię plantas excolere instituit, vt nulla res alia quiescere videretur. Neque his contentus, qui primi venerunt, alios per sylvas, cępos, montes, eorum adiens latibula, non minore studio, quam ipsi feras venabatur: contendebat eos in coetum cogere, ac tantisper saltem continere, dum vna multos Christianę fidei rudimentis imbueret: illo-

*Viega  
studium  
in Ma-  
ramosis  
ad Chri-  
stum ad-  
ducendis.*



illorum paruos filios parentum voluntate secum adducebat ; vt cum pueris alijs Neophytis educatis, & communem Brasilicam linguam edoctis, postea ad ipsorum parentes, gentilesque interpretibus vteretur. Quo in opere multos labores exsudauit, multasq; difficultates exorsit, multorum reprehensiones, irrisionesque deuorauit, ipsum frustra laborare dictitantium, operamque certam, atque vtilem ab ijs, qui in manibus essent ad eos, quos nullis vinculis tenere possis, auertere; presentiaque; & certa lucra animarum omittere, incerta, & fugacia consectari; gentem esse leuem, vagam, inconstantem, societatis inimicam. nō vna vnquam certa in sede, non vno in consilio persistere: sed repentina quaque oborta cupidine, cum consilio sedes etiam & fidem commutare, & omnem suscepta vitæ rationem subito impetu peruertere. Sed amor Christi, & saluandarum studium animarum superabat omnia. Interim, dum minus se



se præbent ad audita contumaces, si  
 fructum nullū alium, illū certe nō  
 leuē percepit, quod infātes aliquos,  
 adultosque sub ipsum mortis arti-  
 culum baptizatos præmisit ad cœlū.  
 Credere est ipsorū preces ad diuinā  
 misericordiam suæ genti propiti-  
 andam non parum valuisse; vt dicitur  
 sensim ingenia, quæ nondum pro-  
 fus se dabant, mitescerent, & ad di-  
 uinos concipiendos instinctus se  
 compararent: & cum subinde noui  
 greges ad priores se adiungerēt, vi-  
 cissimque amore veteris consuetu-  
 dinis ad vsitatas solitudines se refe-  
 rent, rursusque ad nouū vitæ genus  
 Viegæ inuitatu, contentioneque re-  
 dirent, post multos tandem exha-  
 stos labores, multamque gentis to-  
 leratam inconstantiam, pertinaci-  
 tandem charitate expressit, vt eorū  
 multi greges in Vincētianis finibus  
 considerent. Locum sibi legere in  
 campestribus Piratiningæ vicisq;  
 sibi & tuguria extruxerūt: obstinata  
 deinde perseuerātia, nunquā in illis  
 quæ

Mara-  
 mosio-  
 rum gre-  
 ges se cō-  
 ferunt  
 ad Chri-  
 stianos,



quæritandis, ad fidemque, & socie- *Et ad*  
tatem cohortandis fatigatus, ali- *Christi-*  
quot annorum interuallo greges a- *anorum*  
lios in Ianuarienses fines non longe *institu-*  
à vico S. Barnaba deduxit: & nunc *tionem.*  
eo vitæ genere contenti, terram co-  
lunt, sementes faciunt, & laborum  
suorum fructu victitant; eademq;  
cura, diligentiaq; qua indigenæ re-  
liqui Christiana pietate excoluntur.  
Ergo Viegas tot annis cū illis versa-  
tus, eorum linguæ facultatē nactus,  
Catechismum, reliquasque institu-  
tiones è cōmuni lingua in eam trā-  
tulit. Dictionarium valde copiosū,  
vnaque cum Iosepho eius linguæ  
Grammaticā absoluit. Petrus Go-  
ueanus frater è Societate, natione  
Germanus, vir ad peregrina perci-  
piēda idiomata magno ingenio præ-  
ditus, multa cum ipsorū vtilitate il-  
lis instituēdis, regēdisq; præst. Hęc  
etsi Viegæ labores omnia peperere,  
initium tamen, & progressionum  
bona pars ad Iosephum referen-  
da sunt: siquidem studio, institutio-  
neque eius omnia suscepta, pro-  
motaque



motaque sunt; ad eosque subinde in-  
uisendos, promouendosque ipse se  
referbat.

*Hominē,  
qui sine  
Baptis-  
mo obie-  
rat. redi-  
uiuum ba-  
ptizat.*

DUM in sede S. Vincentij degeret  
(seu familiæ Præses, seu in priuata  
vita, non explico) res contigit sum-  
mæ admirationis, & rari admodum  
exempli. In oppido Sanctis homo  
Brasilius nomine Didacus, iam præ-  
Christiana Religione suscepta, &  
inter Christianos, tanquam Christi-  
anus diu versatus in domo Lusitan-  
ciuis diem suum obierat; diuq; ca-  
daver exanime iacuerat: & cum ma-  
turum visum est, illud regionis mo-  
re funebri adsuta veste obuoluerat,  
foueaque ad sepulturam aperta iam  
erat, dum his rebus omnibus para-  
tis, duarum circiter horarum inter-  
uallo materfamilias Gratia Rote-  
rigia videt illud commoueri. Ac-  
cedit præopta magno animo, vt quid  
id sit, cognoscat: eam is qui antea ca-  
daver fuerat, rogat, se illo funebri  
amictu dissuat; iubet illa dissiui, eiq;  
assidet, vt, quo res progressura sit,  
obseruet. Is rursus Dominam rogat,  
P. Jo-



P. Iosephum Anchetam accersi in-  
beat. Negat illa Patrem in oppido  
esse, sed duabus inde leucis in  
oppido S. Vincentio. Subiicit Dida-  
cus, ipsum iam in oppidum Sanctos  
venisse; seque cum ipso ad rivulum  
vsque qui proximus est oppido, iter  
fecisse, inde ab ipso iussum esse ipsi  
precedere: à quo digressum, domum  
rediisse, & quod exuerat, iterum  
corpus induisse. Misere statim ad  
Societatis domum, qui hæc Didaci  
nomine, in vitam restituti Iosepho  
nunciarent, quem, cum venisset sta-  
tim rediuiuus interrogauit, an secum  
ferret sacrarum Reliquiarum thecã,  
quam sibi ostendisset in itinere eam  
cum protulisset moribundus læta-  
tus est, tum de suæ animæ salute ser-  
monem ingressus, narrauit illi, se  
seiuunctum à corpore in vitam alte-  
rã egressum, monitum esse non re-  
cto itinere in ea loca venisse, quod  
per Baptismi ostium Ecclesiam non  
intraisset. Idque ille fatebatur esse  
verum, neque vnquam antea errorem  
suum agnouisse, memorem tan-  
tùm

M



tum homines albos (sic enim appellat Europæos) cum in patriam suam venissent, Christianamque doctrinam populares suos docuissent, Didacum sibi nomē indidisse: ex eo tempore ratum se perfectum Christianum factum esse, nullam aliam curam nisi præceptorum seruandorum suscepisse: ab ea inscitia, & imprudentia, nunquam sibi in mentem venisse Baptismum esse suscipiendum; proinde Iosephum rogauit, se quamprimum sacro Baptismate in Ecclesiam induceret; se enim illuc, vnde regressus esset, properare. Tum Iosephus hominem, etsi Christianæ legis non rudem, accuratè tamen summa fidei capita, illi in memoriam redigens, quantum extremi temporis patiebantur angustia, instructum magno cum animi fructu, multis cum lacrymis baptizauit, testatus se, si nullo alio fructu, hoc certe, quod vnam hanc animam in cœlum præmiserit, suum in Brasiliam aduentum, laboresque omnes ante susceptos præclare impensos esse existimare. Baptizatum



Bidacus, abeūdi venia à matrefami-  
lias petita, eā rogauit, vt vilia, qui-  
bus vsus esset, indumenta, egēti ali-  
cui daret, curaretq; duo Missæ sacri-  
ficia offerēda, vt saltē ille Deo cul-  
tas suo nomine adhiberetur, sibiq;  
in præsens sãctificatã in Ecclesia ar-  
dentē cãdelã in manū traderet. Inde  
cōuersus ad Iosephū, rogauit sibi vt  
adeffet, donec animã in Domini ma-  
nns, cuius ipsa esset, emitteret. Qua-  
rum omnium petitionum cōpos fa-  
cit Iosepho, aliisq; præsentibus, ac  
piis precib⁹ abeūte adiuuātibus, spi-  
ritū Deo reddidit. Hæc ipsa Gratia  
Roterigię corã Ecclesiastico oppidi  
vicario, rata testis deposuit Laudãda  
diuina Bonitas, cuius miserationet  
sūt super omnia opera eius. Et sane  
diuine miserationis excessus fuit, & qui  
omnem superet admirationem, ho-  
minē sine Baptismo è vita egressum  
æternis suppliciis subduci, eiusque  
spiritum certum adire sacerdotem  
venire ad oppidū cum ipso, sanctas,  
quas ille secum ferret sanctorum  
virorū reliquias venerari, eiusdēq;

M 2

Sacer-



Sacerdotis præcepto obtemperare, relictum corpus repetere, recepto Baptismi compotem fieri; ac denique militanti Ecclesiæ membrum annexum, momento in triumphentem transferri. Admirandum, evidensque diuinæ prædestinationis argumentum, ut in duobus exactæ iam ætatibus, à Iosepho edoctis, baptizatisque vidimus, & in multis in ipsius mortis articulo lustrali Baptismi qua purificatis animaduertimus.

*Leuatur  
regendi  
munere.*

PERFUNCTVS regendi munere Iosephus hæsit aliquamdiu in Vincentiana sede: sed variæ occasiones, seu Præsidium iussa modo hinc, modo illuc hominem trahebāt. Venit aliquando ad dilectum sibi Marinosorum gregem, qui circa Birtiocam confederant; de quibus videtur præcipua cura sollicitus fuisse, biduoque apud eos commoratus est: quo tempore petiit ab hospite, qui arcem tenebat, ut se noctem illam in Oratorio B. Virginis iuxta arcem sito transfigere. Libenter at-



is praefectus ei permisit, ipseque una cum Alfonso Gonzalo genero suo hominem eo deduxerunt, inde se in arcem receperunt, facem, qua ad nocturnum lumen usi essent, referentes, Iosepho ibi nocturnis in tenebris relicto. Intempesta nocte, cunctis quiescentibus, una Gonzali coniux vigilabat. Haec admirabili visio permota, maritum ad eandem rem spectandam magno studio à somno excitat. Prospektant ambo per fenestram; sacellum vident admirabili splendore circumfusum: splendor è regulis, valnis, culmine, fastigio, totaque porticu emicabat: concentum praeterea admirabili sono vocum non admodum longe audiebant. Quae res magna neos in admirationem, ac propè extasim abripuit. Voluit Gonzalus ex arce excendere, ut quid id esset, cognosceret; ratus, quoni in harmoniam sibi à longe exaudire videbatur, nauem aliquam id noctis in portum inuehi. Verum cum descendere coepisset, capillus ei praehorror

*Noctu in  
sacello  
ipso orā.  
se, splen-  
dor efful-  
get, can-  
tus au-  
diuntur.*



obriguit; sensitque se quasi inuisibili manu retineri. Itaque eo spectaculo vna cum cōiuge diu potiti, mira ambo dulcedine perfusi sunt, cuius etiam memoriæ iueūdo sensu in multis postea dies recreabātur. Postero die, cum diluxisset, domesticos, reliquosq; arcis vicinos, seruitiaq; percunctati, an aliquid luminis eorum aliquis in Oratoriū per noctem intulisset, comperiunt nihil quidquam horum factum esse. Ipsum denique Iosephū interrogant, vnde tantum lumen ea nocte e sacello effulisset, Is initio contemptim tergiuersari, rem totam dissimulando obscurare: sed cum per spectata, & probata veritate teneretur graui contestatione, pro ea, quā spiritali Patri obedientiā deberet, illis præcepit, ne quandiu viuerent, cum vllō mortalium eā de re verbum vllum facerent. Aliud nihil eius sermone expresserunt; quod illi pro ea reuerentiā, qua Patrem prosequerantur, sanctē seruarunt donec



nec illò vita functo anno salutis  
millesimo sexcentesimo tertio. 5.  
Non. Octobres Gonzalus in vrbe  
S. Sebastiano ad sinum Iauuarien-  
sem à Vicario generali eius ciuita-  
tis proferre iussus est, siquid memo-  
ria dignum de Iosepho sciret, iura-  
tus totam eius rei seriem narrauit,  
adiecitq; se Musicam illam, har-  
moniam, splendoremq; coelestem  
fuisse pro certo habere; tum ex eo  
quo perfusus est horrore, iucundi-  
tateque, tum ex vi, qua se impediri  
sensit, quo minus ad rem exploran-  
dam proficisceretur. Nec dubium,  
quin ad Iosephi contemplationem  
torum se illud miraculum effude-  
rit: nempe ad has spirituales epulas  
se vocari, atque hæc coelestia sibi  
conuiuia parari sentiebat, cum ab  
hominum societate seiunctus no-  
ctem illam traducere peroptauit, Et  
quidem splendorem inter eius  
preces effulsisse nouum non fuit:  
nam cum S. Vincentij familiam  
regeret adiretque eum, vt fit,

*Splendor  
inter e-  
ius preces  
fulget.*

M 4 cum



cum literis, aut nunciis ianitor, deprehenderetque orantem, sæpe accidit, vt ingenti è cubiculo splendore emicante, percelleretur. Sed per idem tempus, dum à regendi munere vacaret, anno 1576. Sancto Vincentio Piratiningam venit. Eam sedem tum senex regebat Societatis Sacerdos Adamus Gonzalus. Hic quodam die circa auroram, cum intētis in cœlum oculis è specula domus oraret, agmen per cœlum ambulantium prospexit: quinam essent corpora, vmbrae non dignitas tantum ad eius aures vox allabitur dicentis. Pater, pater, ego sum, ora Deum pro me. Erat huic filius in Societate adolescens Bartolomeus nomine, quem ipse matrimonio ante coniunctus susceperat, & grandiam ætate coniugio solutus secum duxerat ad Societatem. Is per id tempus in Bahyensi Collegio doctrinæ studiis occupabatur. Visus est sibi senex filij vocem agnoscere: perturbatus eo viso, cum diluxit penitus Iosephum conuenit; qui, di-

uina

*Pirati-  
ninga  
Bartolo-  
mai Gõ-  
zali  
mortem  
præscit.*



uina prouidentia ad senis in ea con-  
sternatione animi solatium videtur  
eo venisse. Eum vti hominem rerum  
absentium in diuino Spiritu con-  
scium rogat, ecquid bene sit Barto-  
lomæo? Bene, respondet Iosephus:  
neque esse, cur de eo sit sollicitus: ser-  
moneque commutato, hominem ab  
ea cogitatione ad aliam traducit.  
Præterierat ab eo sermone annus,  
cum vterque in Ianuariensi Colle-  
gio esset, nauis è Bahya eo venit, quæ  
certum de Bartolomæi morte nun-  
cium attulit. Petiit à Iosepho Ada-  
mus, vt ad legitimum sacrificiorum  
numerum, quæ pro defunctorum,  
Sociorum animabus à Sacerdotibus  
singulis in Societate offeruntur, ali-  
quid adderet: respondit, se cum vita  
excessisset adolescens, quinque  
pro illo hostiam salutarem immo-  
lasse, neque pluribus sanctam illius  
animam indigere, idque se fecisse,  
quo tēpore Adamo ipsi visum illud  
Piratinæ obiectum est: quod  
Iosephus non potuit nisi diuinitus  
cognoscere cum ob distantiam lo-  
corum:



corum (distat enim Bahya S. Vincetius plus ducentis leucis) & infrequentiam itinerum, non ante eam diem eius rei nuncij peruenerint. Ita & animæ illi consuluit in tēpore, & nuncij acerbitateem prauertere deuitauit.

*Fratrem è Societate gratiæ ulcere sanat.*  
 IN eodem Ianuariensi Collegio Gonzalus Aloysius Societatis frater affectus decumbebat, cui acerbum vlcus infra sinistrum brachium intumuerat, neque remediis multis adhibitis ad suppurationem ueniebat; quin etiam exasperabatur magis, sauo cum cruciatu agrotantis. Accedit Iosephus, manum admouet tumori, signum crucis imprimit, confestim rupta cuti, una cum cruciatu coacta sanies effluit.

*Venit Bahyam unius è fratrib. cogitationem nouit.*  
 Venit Postmodum Bahyam, quo tempore abditam alterius cogitationem se penetrasse declarauit. Frater quidam, qui hominem nunquam viderat, ratus, quod corporis habitudo parum firma, & humilis eius indicabat apparatus, inuitelohospitē, & contēptibilem aduenisse,



hisse, hanc de illo cogitationem  
concepit. Quid huc venit iste? neq;  
verbum vllum protulit: non fefel-  
lit Iosephū illa cogitatio: & cū ad  
eius amplexum venisset, maiore  
quam cæteros lætitiæ, ac beneuo-  
lentiæ significatione illum excepit.  
Ita est, inquit, charissime frater, vt  
cogitasti: vnus tu omnium de me  
optimè iudicasti; quid ego nullius  
pretij homuncio huc veni? Percul-  
sus ille mirari desuit, cum qualem  
virum contempisset, intellexit.

In Bahyensi Collegio is qui co-  
quinariam exercebat, patella pis-  
ces in cænâ Collegij elixabat, cū-  
que decoctis piscibus, patellam ad-  
huc bullientem ab igne remoueret,  
sinistro casu ius exæstuans, effluens-  
que in retrahentem sinistrâ ei ma-  
num ambuffit, In illa doloris acer-  
bitate forte Iosephus per coquinâ,  
transit; fratris videt manum con-  
crematam, quam sinistra manu ap-  
prehensam, dextera signo cru-  
cis signauit illis, subiectis ver-  
bis: Sat est; ne doleat am-

M. 6

plus

*Fratris v-  
nius è So-  
cietate  
ambu-  
stam ma-  
num sa-  
nat.*



plius: adinouitque ad ignem, quae temperato cōcepto calore, statim perlanata est.

*Animas  
purgato-  
rias pœ-  
nas do-  
lentes au-  
dit ad-  
iuuat q3.*

Ibidē maioris aliud cōtingit admirationis. Cum longē ab vrbe ad ægroti excipiendam confessionem excurrisset, in reditu nox illum oppressit inter Tapagipam (locus est oblonga cuspide in mare procurrens) & Bahyam: ea cum iter facerent secus stagnum, ingentem rarrū coaxationem, & inter eum strepitum eiulatus ingentes audierit, quasi hominū acerbos cruciatus tolerantium; vsq; eò, vt Patris comit capillus inhorruerit. Metū ponere Pater iubet, substititq; aliquantisper, ac sublatis in coelum oculis: *A Eterne Deus, inquit, quàm magna tua potentia est: propiusque ad stagnum accedens, comitem vna secum genua ponere, & quinquies orationem Dominicam, Angelicamque salutationem pro animabus purgatorias pœnas sustinentibus pronunciare iubet. Qua persoluta prece, cessauit eiulatus, neque inde ampli-*



amplius, cum sapius illac frater idē pertrāsisset, eiusmodi clamores exauditi. Videtur diuina misericordia profundo suæ diuinitatis iudicio animas illas selegisse, quæ ad id tempus sancti viri precibus pœnis illis eximerentur.

*Ægrotos  
in ipso  
mortis  
limine  
prædicat  
eo morbo  
non morituros.*

Idē ad ægrotæ mulieris, ac prope iam depositæ confessionem audiendam extra urbem accersitus, eius maritum qui ad se excipiendum prodierat, obuiū habuit lacrymabundum; cuius per motus dolore, antequam ad ægrotam perueniret, blandē eum consolatus, prædixit periculum præsens euasuram, vixitque postea in annos multos.

Per idem tempus, aut forte ipso prouinciam regente (non enim nisi hoc tempore, aut prouinciæ Præses Bahyæ degere solitus est) Didaci Morini coloni Bahyensis coniux Andrefia Diazia septimum iam mensem vterum gestabat, cum sinistro casu lapsa abortu infantem foeminam emisit. Eo casu male affecta utraque, mater quidem diu male habuit.



buit; infans verò vitæ discrimen a-  
diit. Ipsam totamque familiam in-  
uisit Iosephus; parentes tenellæ  
infantis periculo permoti, cū iam  
iam exhalaturā animam videretur  
eum rogarunt, vt antequam expia-  
ret, eam Baptismi beneficio affice-  
ret; honestius fore respōdit, ipsum  
in Ecclesia matrice, solemnī appa-  
ratu, sacrisq; adhibitis cērimoniis  
baptizari: non enim eo tēpore mo-  
rituram; neque graue illis esset Ma-  
riæ illi nomen imponere, siquidem  
ipso Assumptionis Virginis die sa-  
cro nata erat; proinde probè illam,  
pieque educarent, futurā enim fa-  
milix toti non iniucūdx hilaritati:  
vndecimū tamen tātū annum exa-  
cturam, eodemq; quo in lucem e-  
dita est Virginis die sacro ex hac vi-  
ta exituram, etsi non in qua vrbe  
nata est. Parentes postmodum S. Se-  
bastianum se transtulerunt, ibique  
puella vndecimo ætatis anno eodē  
quo nata est die decessit. Totum id  
matris testimonio postea cognitum  
est.